

新編醫學正傳

醫學正傳卷之三目錄

○痢門十七

論脈法

丹溪方法

凡四十二條

芍藥湯

黃芩芍藥湯

黃連湯

芍藥黃連湯

大黃湯

香連丸

益元散

神效參香散

丹溪活套

祖傳和中飲

經驗三根飲

經驗二防飲

禁口痢法

已試醫驗一條

○嘔吐門十八

論

脈法

丹溪方法

凡十一條

藿香安胃散

和中桔梗湯

木香散

荊黃湯

檳榔散

清鎮丸

白朮湯

金花丸

紫沉丸

小半夏湯

姜汁半夏湯

藿香平胃散

胃苓湯

黃連六一湯

丁香安胃湯

丁附治中湯

加味二陳湯

丁香安胃湯

茯苓半夏湯

丹溪活套

已試醫驗一條

○噎膈門十九論

脉法

丹溪方法九十一條

瓜蒌實丸

寬中進食丸

人參利膈丸

丹溪活套

祖傳潤腸膏

大力奪命丸

又經驗方

已試醫驗二條

○鉅逆門二十論

脉法

丹溪方法九六條

陳皮竹茹湯

橘皮半夏生姜湯

六君子湯

丹溪活法

經驗灸鉅逆法

○吞酸門二十一論

脉法

丹溪方法九七條

藿香安胃散

加減二陳湯

三因麴朮丸

祖傳治吞酸方

○嘈雜變門二十二論

脉法

丹溪方法九八條

三聖丸

木蓮丸

軟石膏丸

麴朮丸

○痞滿門二十三論

脉法

丹溪方法九二條

厚朴溫中湯 木香順氣湯 痞挾瘀血方法 七氣湯

大消痞丸 失笑丸 消痞湯 黃連消痞丸

黃芩利膈丸 丹溪活套 已試醫驗一條

○腫脹門 二十四 論 脉法 丹溪方法 九八條

禹餘糧丸 絜矩三和湯 紫蘇子湯 木香順氣湯

中滿分消丸 廣菜瀆堅湯 半夏厚朴湯 破滯氣湯

草薹薏湯 葶廬木香散 白朮木香散 葶廬膏

二氣散 牽牛丸 三花神祐丸 雞屎醴飲

丹溪活套 祖傳雞屎醴 又經驗方 經驗桃奴丸

自己試醫驗二條

○積聚門 二十五 論 脉法 丹溪方法 九六條

三聖膏 琥珀膏 阿魏丸 大中丸 小溫中丸

婦人腹中有塊訟

一方治婦人血塊

又治婦人血塊如盤

塊在皮裏膜外方

倒倉法已上皆

廣木漬堅湯

半夏厚朴湯

三因散聚湯

大七氣湯

千金硝石丸

局方妙香丸

導氣枳壳丸

木香三稜丸

草薺薏丸

肥氣丸

伏梁丸

息奔丸

奔豚丸

○虛損門二十六

論

脉法

丹溪方法一條

老人調養方

四君子湯

四物湯

八物湯

六君子湯

十全大補湯

大補陰丸

補陰丸

加味虎潛丸

滋陰大補丸

補腎丸

補天丸

六味地黄丸

人參固本丸

人參膏

補中益氣湯

益胃升陽湯

濟生芪附湯

參附湯

濟生茯苓湯

補氣湯 千金延壽丹 祖傳心虛手振方 班龍丸

桂枝加龍骨牡蛎湯 已試醫驗二條

○勞極門 三十七 論 脉法 丹溪方法 凡四條

蓮心散 青蒿飲 白蟻墜方法 鬼哭飲子

天靈蓋散 射香散 取虫神仙方 神授散

禁方無比丸 又取勞虫方 紫河車丹 虛勞紫胡散

治勞驚甲散 貫衆丸 治勞嗽輕骨散 治嗽哈介散

古今治驗五蒸湯 丹溪活套 灸勞瘵崔氏四花穴法

新編醫學正傳卷之三

花溪恒德老人虞搏天民編集

姪孫虞守愚惟明校正

痢十七

論

內經曰澁而便膿血知氣行而血止也

愚按經文澁字下必

澁澁而便血膿者言病因也蓋血因氣滯而大小二便俱不利耳氣行而血止者言治法也故河間開明其說所謂和氣則後重自除而用木香檳榔枳殼等藥以和之即此意也

河間曰行血則便膿自愈和氣則後重自除又曰後重則宜

下腹痛則宜和身重則除溫脈弦則去風膿血稠粘以重藥竭之身冷自汗以熱藥溫之風邪外束宜汗之驚溇為痢宜溫之又曰在表者發之在裏者下之在上者湧之在下者竭之身表熱者內踈之小便澁者分利之又曰盛者

和之去者送之過者止之兵法云避其來銳擊其惰歸此之謂也夫古方以瀉痢滾同論治朱紫混淆殊不知瀉屬脾而痢屬腎也丹溪曰先水瀉而後膿血者此脾傳腎賊邪難愈先膿血而後水瀉者此腎傳脾微邪易愈是皆先哲之格言以為後學之繩墨醫者其可不詳究乎

### 脉法

脉經云腸辟下膿血脉沉小流連者生洪大數身熱者死又曰腸辟筋挛脉小細安靜者生浮大而緊者死

### 方法

丹溪方法九  
二十四條

丹溪曰痢赤屬血自小腸來白屬氣自大腸來

○原病式曰痢為濕熱甚於腸胃佛鬱而成其病皆熱証也俗以痢白為寒誤也如熱生瘡痂而出白膿可以白為寒乎



陰陽水火一高則一下一盛則一衰若以白為寒赤為熱則兼赤白者乃寒熱俱甚於腸胃之間而為病乎况下迫窘痛小便赤澁而痢白者必多有之為熱明矣世有用辛熱藥而愈者蓋辛甘發散熱三出行故病微者則鬱結開通氣和而愈若病甚者鬱結不開其病轉加而死故治痢者必用寒以勝熱苦以燥濕微加辛熱佐之以為發散開通之用如此固無不效者

○仲景治痢可下者悉用承氣等湯加減下之大黃之寒其性善走佐以厚朴之溫善行滯氣緩以甘草之甘飲以湯液灌滌腸胃滋潤輕快積行即止局方用砒丹巴礪類聚成丸其氣克暴其体重滯積氣已行而毒氣未消猶暴賊手持兵刃使之徘徊瞻顧於堂奧之間縱有愈病之功而腸

胃清純之氣寧無損傷之患乎可溫者乃用姜附溫之局  
方例用熱藥為主澁藥為佐用之於下利清白者猶可其  
裏急後重經所謂下迫者皆屬火熱所為加以澁熱之劑  
非殺而何

○初得一二日間元氣未虛必推蕩之此通因通用之法用大  
承氣湯或調胃承氣湯下後看氣血調理氣用參朮血用  
四物五日後不可下此亦大槩言之氣血虛者雖一二日  
亦不可下實者十余日後亦有下之  
而安者

○腹痛以白芍藥甘草為君當歸白朮為佐惡寒者加桂惡熱  
者加黃柏

○腹痛因肺金之氣鬱在大腸之間以苦梗發之後用痢藥一  
云實則可下虛則以苦梗發之

○初下痢腹痛者用溫藥姜桂之屬切不可驟用參朮縱氣虛胃虛皆不可用

○後重者積與氣墜下之故兼升兼消尤當和氣木香檳榔丸保和丸之類

○身熱被外感者不惡寒用小柴胡去人參發熱惡寒身首俱痛此為表証宜微汗和解又蒼朮川芎陳皮芍藥甘草生姜煎服憑每以上二方併而治痢之挾外感者亦多獲奇效也

○發熱不止者屬陰虛用寒涼藥必兼溫藥升藥

○大孔痛肛門也因熱流於下也木香檳榔朮連加炒乾姜

○仲景法治孔痛一曰溫之一曰清之若久病身冷自汗脉沉小宜溫之暴病身熱脉洪大宜清之

○下血者宜涼血活血當歸黃芩桃仁之類或用朴硝有風邪

下陷宜升提之蓋風傷肝肝主血故也有濕傷血宜行濕  
清熱

○濕熱下痢小便澀少煩渴能食脈洪大而緩腹痛後重桂苓  
甘露飲送下保和丸二三十粒

○濕多熱少脾胃不和食少腹痛後重夜多利下胃苓湯送下  
保和丸二三十粒

○氣虛面色痿黃或枯白色人疲倦痢類併痛後重不食脈細  
弱或微汗時出黃芪建中湯送下保和丸二三十粒

○濕熱為痢不渴者建中湯加蒼朮茯苓下保和丸

○脾胃不和食少腹脹痛後重脈弦緊平胃散加芍藥官桂葛  
根白朮茯苓下保和丸

○下痢血氣大震腹痛頻併後重不食或產後得此証用四君

子湯加當歸陳皮下保和丸二三十粒

○下痢白積者用芍藥湯加白朮陳皮甘草滑石桃仁

○下痢赤積身熱一元散加木通炒芍藥炒陳皮白朮煎湯送

下保和丸加黃芩丸

○久下痢已數日不能起床不食疲弱之甚者用人參半錢

白朮一錢黃芪半錢當歸七分芍藥一錢炙甘草三分

御米殼醋炒三分地榆五分木香三分宿砂五分

陳皮一錢升麻三分白芷蕤仁三分澤瀉五分

右細切作一服水一盞半煎至一盞去粗溫服

○如下墜異常積中有紫黑血而又痛甚者此為死血証用桃

仁細研及活石行之

○血痢久不愈者屬陰虛四物為主

○下痢如荳汁者濕也蓋脾胃為水穀之海無物不受常蒸四藏故有如五色之相染當先通利此迎而奪之之義如虛宜審之

○古方用厚朴專為行疑滯之氣滯氣稍行則去之枳殼雖少緩亦不宜久服只以陳皮和藥可也

○古方多用粟殼治嗽與痢但要先出病根乃收功後藥也

○如力倦氣少惡食此為挾虛証宜用白朮當歸身尾甚者加人參陳皮補之虛回而痢自止

○如久痢體虛氣弱滑泄不止亦當以澁藥止之訶子肉荳蔻白礬半夏牡蛎之類擇而用之然須以陳皮為佐恐太澁亦能作疼又甚者須灸天樞氣海取穴法見前

○如痢已減十之七八穢積已盡糟粕未實用炒芍藥炒白朮

炙甘草陳皮茯苓煎湯下固腸丸二三十粒此丸性燥澀  
有去濕實腸之功若滯氣未盡除者不可遽用

○如痢後糟粕未實或食粥稍多或飢甚方食腹中作疼以白  
朮陳皮二味煎湯和之自安

○如氣行血和積少但虛坐努積此爲無血証倍用歸身尾芍  
藥生地黃而以桃仁泥佐之陳皮和之血生自安

○如痢後脚弱漸細小用蒼朮二兩白芍藥龜板各二兩半黃  
栝五兩粥糊丸以四物湯加陳皮甘草煎湯送下

○噤口痢胃口熱甚故也用黃連人參煎湯終日呷之如吐則  
再強飲但得一呷下咽便好又用田螺搗盒臍中以引下  
其熱胃中熱結當開以降之人不知此多用溫藥甘味以  
火濟火以滯益滯也亦有誤服熱毒之藥犯胃者當推明

而祛其毒用糞蛆焙乾為末清米飲調下一錢七甚效

○多有時疫作痢傳染相似宜推明運氣之勝復以治之

○小兒痢疾用黃連黃芩大黃甘草煎服赤痢加桃仁紅花白痢加滑石末同煎

○一小兒八歲下痢純血作食積治蒼朮白朮黃芩白芍藥滑石茯苓甘草陳皮神麩煎湯下保和丸

○凡下痢純血者如麩腐色者如屋漏水者大孔開如竹筒者唇如珠紅者俱死。如魚腦髓者身熱脈大者俱半死半生經所謂身涼脈細者生身熱脈大者死是亦大槩言之耳不可一途而論也

○一方治熱痢血痢用大黃黃連黃芩黃栢枳殼白芍藥川歸滑石甘草桃仁白朮等分神麩糊丸如梧桐子大每服五



六十九白湯下

○青六九治血痢神効

○温六九治痢及水瀉皆効 已上二方並見世瀉門

○固腸丸治濕熱下痢大便下血去腸胃隙積之後用此以燥下濕而實大腸

樗根白皮 不拘多少細切畧炒

右一味研為細末米糊為丸如梧桐子大每服三五十丸  
陳米飲送下或用炒芍藥炒白朮炙甘草陳皮茯苓煎湯下

○芍藥湯行血則便膿自愈和氣則後重自除此藥是也

白芍藥二錢 當歸尾 黃連 黃芩 各一錢

大黃七分 甘草 檳榔 木香

桂心各五分

右細切作一服水一盞半煎一盞空心服○如初病後重窘迫甚者倍大黃加芒硝一錢○如痞滿氣不宣通加枳實一錢○如藏毒下血加黃柏一錢

問阿

○黃芩芍藥湯治瀉痢腹痛或後重身熱久而不愈脉洪數者及膿血稠粘者

黃芩 芍藥各二錢 甘草一錢

右細切作一服水一盞半煎至一盞溫服腹痛甚加桂二分稍熱服之

問阿

○黃連湯治大便後下血腹中不痛謂之濕毒下血

黃連 當歸各二錢

右細切作一服水一盞半煎至一盞去粗溫服

關河

○芍藥黃連湯治大便後下血腹中痛者謂之熱毒下血

芍藥

川歸

黃連

各一錢半

大黃三分

桂心一分半

甘草三分

右細切作一服水一大盞煎七分溫服

關河

○大黃湯治痢久不愈膿血稠粘裏急後重日夜無度脈沉實人不甚困倦者或初得腹痛甚者窘迫不安者

大黃一兩

右細切作一服用好酒二大盞浸半日煎至一盞半去粗分作二服頓飲之如痢未止再進後服後以芍藥湯和之又再服黃芩芍藥湯以徹其邪此乃瀉滌邪熱之劑用酒煎者蓋欲其上至頂顛外徹皮毛也

方局

○香連丸治下痢膿血赤白相雜裏急後重

黃連

二十兩用吳茱萸十兩二味各以酒拌濕同炒去茱萸

木香

四兩不見

右為細末酸調麪糊為丸如梧桐子大每服三五丸清米飲送下○一方加石連肉半斤治禁口痢尤佳

○益元散謂此為治痢之聖藥也其功不能盡述

桂府膩白滑石

六兩

粉甘草

一兩炙

右二味共為極細末每服三錢白水調無時

○神効三香散治痢疾日久穉積已少腹中不痛或微痛不後重窘迫但滑瀉不止乃收功之後藥也

粟殼

去殼蒂鬚炙一兩二錢

陳皮

一兩三錢

肉苳蔻

麩裹炙四錢

茯苓

去皮

白扁苳

炒各四錢

木香

人參

各一錢

右為細末每服一錢七清米飲調下食遠

○丹溪活套云痢疾乃外感兼內傷之候也須分表裡治之在

表者必惡寒發熱身首俱痛宜以小柴胡湯去人參棗  
子加蒼朮川芎陳皮生芍藥微汗以散之在裡者必後  
重窘迫腹痛下積早宜以大小承氣河間酒煎大黃湯  
之類下之餘邪未盡更以芍藥湯香連丸之類以撤其  
邪穢積已盡而更衣未息者此大腸不行收令故也宜  
以固腸丸參香散之類以止泄之噤口者須詳証按法  
調治切不可輕用粟穀肉苳薏訶子之類以試之殺人  
於反掌之間也但凡痢証不問輕重若邪氣正盛而以  
粟穀之類止遏之雖不死亦成休息痢二三年不能愈  
也又不可輕用巴菝牽牛等熱毒之藥攻之蓋病因熱  
毒又得熱毒之劑以火濟火不死何待

○祖傳經驗秘方和中飲治痢疾不分赤白久近服之無有不

效 實者但發熱禁口不食者不可服

陳皮

白木

茯苓

芍藥各一錢

草薺仁

七分甘草

三分

陳蒼米

二錢

砂糖

三錢

粟穀

醋炙一錢

半烏梅

一箇

右細切作一服加生姜三片大棗一枚水二盞煎至一盞去粗溫服

○經驗三根飲治休息痢年久不愈者其効如神

五倍木根

蒼耳草根

臭樗木根

刮取白皮

各等分細切每服七錢重加生姜三片大棗一枚大黑苧三十六粒糯米四十九粒水二盞煎至一盞去粗溫服

○經驗二防飲治痢後不謹感冒寒濕或涉水獲霜以致兩足痛痺如刀割虎咬之狀膝臏腫大不能行動名鶴膝風此

藥神効

人參

白朮

黃芪

各一錢

甘草 炙半錢

川歸

川芎

芍藥

熟地黃 各一錢

防風

防己

羌活

牛膝

各七分

杜仲

姜汁拌炒草薢各一錢

附子

童子尿浸三日去皮臍七分冬月一錢

右細切作一服加生姜三片大棗二枚水二盞煎至一盞

去粗空心濕服温

○仁齋云下痢噤口不食者雖曰脾虛蓋亦熱氣閉膈心胃間

所致也俗用木香則失之温用山藥則失之閉惟真料參

苓白朮散加石菖蒲末以道地粳米飲

多年陳倉米尤温

調下或人參茯苓石連子肉入些少菖蒲為末與之膏次

一開自然思食

其參苓白朮散本方說有宿砂或小入木香見內傷門

一子年將五十夏秋間得痢疾月餘服藥而少愈穢積已但盡糟粕不食晝夜五六次入廁兼脫肛不安又半月諸藥不効予記祖傳一方用池塘中鱉一箇如法修事多用生姜米精作羹入沙糖一小塊不用鹽醬熟煮吃一二碗三日不登廁大腸自此實矣肛門亦收而不脫夫此証蓋因脾土受虛致肺與大腸俱失化源之所滋養是故大腸不行收令也此母能令子虛耳鱉乃介虫屬金而有土性溫能補脾肺又沉肺惡寒先得芩連等寒涼之味已多今用生姜之辛以補肺金用沙糖之甘以補脾土肺氣既實其大腸亦隨而實故得以行收令也故其功效如是之驗焉



論

內經曰諸嘔吐酸暴注下迫皆屬於火東垣曰夫嘔吐酸三者俱屬於胃胃者樞司也以其氣血多少為異耳嘔者陽明也陽明多血多氣故有聲有物氣血俱病也吐者太陽也太陽多血少氣故有物無聲血病也歲者少陽也少陽多氣少血故有聲無物氣病也河間曰胃膈熱甚則為嘔火氣炎上之象也吐証有三氣積寒也皆從三焦論之上焦在胃口上通於天氣主納而不出中焦在中脘上通天氣下通地氣主腐熟水穀下焦在臍下下通地氣主出而不納是故上焦吐者皆從於氣氣者天之陽也其脉浮而洪其証食已即吐渴欲飲水大便燥結氣上衝膈而發痛其治當降氣和中中焦

吐者皆從於積有陰有陽食與氣相假爲積而痛其脉浮而長其証或先痛而後吐或先吐而後痛治法當以毒藥去其積檳榔木香行其氣下焦吐者皆從於寒地道也其脉沉而遲其証朝食暮吐暮食朝吐小便清利大便秘而不通治法當以毒藥通其秘塞溫其寒氣大便漸通復以中焦藥和之不令大便秘結而自愈也外有傷寒陽明實熱太甚而吐逆者有內傷飲食填塞太陰以致胃氣不得宣通而吐者有胃熱而吐者有胃寒而吐者有久病氣虛胃氣衰甚聞穀氣則嘔噦者有脾濕太甚不能運化精微致清痰留飲鬱滯上中二焦時時惡心吐清水者宜各以類推而治之不可執一見也

脉法

脉經曰嘔而脉弱小便復利身有微熱厥者難治

跌陽脉浮者胃氣虛寒氣在上噎氣在下二氣相爭但出而  
不入其人即嘔而不得食恐怖即死寬緩即瘥

脉陽緊陰數其人食已則吐陽浮而數亦爲吐

寸口脉緊而芤緊則爲寒芤則爲虛虛寒相搏脉爲陰結而  
遲人則噎閉上脉數其人則吐 脉弦者虛也胃氣無餘  
朝食暮吐暮食朝吐變爲反胃寒在於上鑿反下之令脉  
反弦故名曰虛

寸口脉微而數微則無氣無氣則榮虛榮虛則血不足血不  
足則胸中冷故吐

方法

丹溪方法九一十條

丹溪曰胃中有熱膈上有痰二陳湯加炒梔子姜炒黃連生

姜煎服

○凡嘔吐者切不可下逆之故也

○有久病吐者胃氣虛不納穀也生姜人參黃芪白朮香附治之凡痞滿短氣而嘔宜補中氣止可用調中益氣湯

○肝火出胃逆上嘔吐抑青丸方見火門

○夏月嘔吐不止五苓散加姜汁入湯調服

○吐虫而嘔用黑錫炒成灰楨榔末米飲調服

○惡心吐清水者有熱有痰有虛皆用生薑隨証佐藥治之

○胃中有熱者二陳湯加姜汁制炒黃連黃芩挾虛者加人參

白朮又云胃虛弱嘔者二陳湯加砂仁藿香白朮

○痰飲為患或因多食生冷脾胃不和以致嘔吐惡心或頭眩或胃脘懊惱不快或發寒熱二陳湯加丁香烏梅生薑煎服心下痞而痛者加草薹菝仁

○痰熱惡心嘔吐氣盛者道痰湯加宿砂姜炒黃連竹茹

○霍香安胃散治胃氣虛弱不能飲食時嘔吐惡心者

藿香

六分

陳皮各一錢丁香半錢

右細切作一服水一盞煎至七分溫服

○和中桔梗湯治上焦氣熱上衝食已暴吐脈浮而洪宜先和

中桔梗一錢半半夏二錢

陳皮去白枳實炒黃色一錢

白茯苓一錢白朮一錢半厚朴姜汁拌炒一錢

右細切作一服水一盞半煎至一盞去粗取清汁調木散香

二錢空腹服三服後氣漸下吐漸止然後去木香散加

芍藥二錢黃芩一錢半煎服病愈則已如大便燥結食

不盡下以大承氣湯去芒硝微下之再服前藥補之如

大便復結又依前微下之

河  
○木香散

木香 檳榔

各等分爲細末前藥調之服

河  
○荊黃湯治暴吐上焦熱氣所衝脉浮而洪者

荊芥穗五錢 人參二錢半 甘草一錢 大黃一錢半

右細切作一服水二盞煎至一盞去粗調檳榔散二錢空  
腹服

河  
○檳榔散

檳榔三錢 木香一錢半 輕粉少許

右爲細末用前藥調服爲丸亦可用水浸蒸餅丸如小豆  
大每服二十九丸食後服

河  
○青鎮丸治上焦吐頭痛發熱有汗脉弦

柴胡二兩 黃芩七錢半

甘草五錢 半夏五錢

青代二錢 人參五錢

右爲細末姜汁浸蒸餅爲丸如梧桐子大每服五十九生  
姜湯送下食後服

○白木湯治胃中虛損及有痰而吐者

半夏五錢 白朮二錢 煨榔二錢半 木香一錢

甘草一錢 茯苓二錢

右爲細末每服二錢生姜湯調下食前服

○金花丸治吐食脉弦者肝乘於脾而吐乃由脾胃之虛宜治

風安脾

半夏湯泡七 煨榔二錢 雄黃一錢半

右爲細末姜汁和蒸餅爲丸如梧桐子大小兒丸如黍米

大生姜湯送下從少至多漸加服之以吐爲度無羈絆於脾胃故飲食自下

○紫沉丸治中焦吐食由食積與寒氣相假故吐而痛宜服此藥

半夏麴

二錢

烏梅肉

二錢

代赭石

三錢

杏仁

去皮尖另

研一錢

砂仁

三錢

丁香

二錢

沉香

一錢

檳榔

二錢

木香

一錢

陳皮

五錢

白荳仁

半錢

白朮

一錢

巴荳霜

另研半錢

右爲細末入巴荳霜和勻醋麴糊爲丸如黍米大每服五十九丸食後生薑湯下吐愈則止小兒另丸如芝蔴大治小兒食積吐食亦大妙

○小半夏湯治陽明傷寒不納穀而嘔吐不已者



半夏湯炮七次一兩生姜二兩

右細切水三盞煎至一盞去粗分作二服服之

人注

○生姜汁半夏湯治青中似喘不喘似嘔不嘔似噦不噦徹心憤憤然無柰者

半夏湯炮洗七次一兩

右細切水一盞半生姜自然汁半盞同煎至一盞溫服仲景曰嘔多雖有陽明証慎不可下孫思邈曰嘔家多服生姜乃嘔家之聖藥也氣逆者以辛散之故以生姜為主治之

垣東

○藿香平胃散治內傷飲食填塞太陰嘔吐不已

藿香一錢厚朴姜制一錢蒼朮一錢半陳皮一錢

甘草炙三砂仁半錢研神麩半錢炒

右細切作一服加生姜五片大棗一枚水一盞半煎至一盞去粗溫服

方局 ○胃苓湯治証同前

平胃散加五苓散加姜棗水煎服之

丹 ○黃連六一湯治因多食煎煨燒餅熱麪之類以致胃脘當心而痛或嘔吐不已漸成反胃

黃連六錢 甘草炙一錢

右細切作一服水一大盞煎至七分去粗溫服

方局 ○丁附治中湯治胃傷寒冷之物致心腹疝痛而嘔噦不止

人參五分 白朮一錢 乾姜一錢 甘草三分炙

陳皮 青皮 丁香各一錢 附子二錢

右細切作一服加生姜五片大棗二枚水一盞半煎至一

盡去粗溫服

○加味二陳湯治胃中有伏火膈上有稠痰時常胃口作痛及

惡心吐清水不快

陳皮去白

錢半

夏

錢半

茯苓

錢

甘草

炙三分

梔子炒

錢

黃連

姜汁拌炒

川芎

錢

白朮

錢

乾姜炒

錢半

蒼朮

錢

香附

錢

牡荊子

炒另研

錢半

挾虛者加入參一錢

右細切作一服水二盞加生薑三片煎至一盞稍熱服如

胃口痛甚入生薑自然汁一合和勻服

○丁香安胃湯治嘔吐噦胃虛寒所致

丁香半錢

吳茱萸

錢

草

豈

蔻

錢

黃芪

二錢

人參

錢

炙甘草

半錢

柴胡

半錢

升麻

當歸身

陳皮各半錢 黃栢二分 蒼朮一錢

右細切作一服水一大盞煎至七分食前溫服

○茯苓半夏湯治脾胃虛弱身重有痰惡心欲吐風邪羈絆於

脾胃之間當先實其脾土

白朮一錢 茯苓一錢 半夏一錢 炒麩一錢

橘紅七分 天麻七分 麥蘖麩炒黃色一錢二分

右細切作一服水一盞半加生姜五片煎至一盞熱服

○丹溪活套云胃中有熱膈中有痰令人時常嘔吐清水作噎

氣吞酸等証用二陳湯加姜炒黃連梔子蒼朮川芎香附

砂仁神麩山查少加木香以行滯氣加姜水煎服

○久病虛者加入參白朮○胃寒者加益智草豈寇乾姜

桂心之類去黃連梔子又甚者加丁香附子○如脇痛或

脾痛右關脈弦嘔吐不已此木來土之分也本方加入參  
白朮升麻柴胡青皮芍藥川芎砂仁神麩之類○如時常  
吐清水或口甘不喜食冷涎自下而湧上者此脾熱所致  
也本方加白朮芍藥升麻土炒苧連梔子神麩麥芽乾生  
姜或丸或煎皆可○如時常惡心吐清水心胃作痛得食  
則暫止飢則甚者此胃中有虵也本方加苦練根史均子  
煎服即愈或用黑錫灰楨榔末等分米飲調下

在城黃氏婦將年三十產後因食傷致胃虛不納穀四十餘  
日矣聞穀氣則惡心而嘔聞藥氣亦嘔求子治子曰藥不  
能入口又將何法以治之乎懇求不已遂制一方用人參  
白朮茯苓各一錢甘草二分陳皮藿香砂仁各伍分炒神  
麩一錢十年以上陳倉米一合順流水二大白盞煎佛泡

伏龍肝研細撿淨放澄清取一盞加姜棗同煎前藥至七分稍冷服此藥遂納而不吐別以陳倉米煎湯時時與之日進前藥二三服漸能吃粥而安後以此法治十數人皆

驗

噎膈十九

論

內經曰三陽結謂之膈子和云三陽者大小腸膀胱也結謂熱結也小腸熱結則血脉燥大腸熱結則不能圍膀胱熱結則津液涸三陽既結則前後閉塞下既不通必反而上行所以噎食不下縱下而復出也此陽火不下降而上行也故經又曰少陽所至爲嘔湧溢食不下此理明矣又先哲論膈噎反謂大率以血液乾槁其或咽喉窒塞食不能下其槁在吸

門或食下則胃脘當心而痛須臾吐出食出痛止其槁在  
賁門此皆上焦之膈噎也其或食物可下良久復出其槁  
在幽門此中焦之膈噎也其或朝食暮吐暮食朝吐其槁  
在蘭門大小腸之間此下焦之膈噎也雖然亦有斯須輕  
病而爲鑿所誤者丹溪論之詳矣謂夫氣之初病其端甚  
微或因此少飲食不謹或外胃風雨內傷七情或食味過  
厚偏助陽氣積成膈熱或資稟充實表密無汁或性急易  
怒相火上炎以致津液不行清濁相干惟氣之爲病或痞  
或痛或不思食或噫噎吞酸或嘈雜痞悶鑿者不求其本  
便認爲寒遽以辛香燥熱之劑投之時暫得快以爲神方  
厚味仍前不節七情反覆相侵舊病被劫暫開濁液易於  
攢聚或半月或一月前証復作如此延蔓自氣成積自積

成痰此爲痰爲飲爲吞酸之由也良工未遇謬藥又行痰  
挾瘀血遂成窠囊此爲痞爲痛爲嘔吐膈噎反胃之次第  
也鑿者尤謂虛而積寒非尋常草木可療竟以烏附助佐  
丹劑專意服餌積而久也血液俱耗胃脘乾槁其槁在上  
近咽之下水飲可行食物難入間或可入食亦不多名之  
曰噎其槁在下與胃爲近食雖可下難盡入胃良久復出  
名之曰膈亦曰反胃大便秘小若羊屎然名雖不同病出  
一体又曰噎病生於血乾血陰也陰主靜內外兩靜則蔽  
府之火不起而金水二截有養陰血自生腸胃津液傳化  
合宜何噎之有醫者當知此意不可妄以燥熱之劑以火  
濟火則何以異刺人而殺之也慎之慎之



脉經曰寸緊尺澁其人膏滿不能食而吐吐止者爲下之故不能食誤言未止者此爲反胃故尺爲微澁也

寸口脉緊而芤緊則爲寒芤則爲虛虛寒相搏脉爲陰結而逆其人則噎閉上脉數其人則吐脉弦者虛也胃氣無餘朝食暮吐暮食朝吐變於胃反寒在於上豎反下之令脉反弦故名曰虛

跌陽脉浮而澁浮則虛澁則傷脾脾傷則不磨朝食暮吐暮食朝吐宿穀不化名曰胃反脉緊而澁其病難治脉澁而小血不足 脉大而弱氣不足

方法

丹溪方法  
九十一條

丹溪曰大率屬血虛氣虛有痰

戴氏曰氣虛者脉必緩而無力血虛者脉必數而無力痰者寸關脉必沉或伏而大有氣滯結者寸關沉而澁

張維峯曰噎當是神思間病惟內觀以自養可安此言深中

病情

○屎如羊屎者不治大腸無血也年高者不治年五十餘則不可治矣

戴氏曰氣血俱虛者則口中多沫但見沫大出者必死不治

○治法用童便韭汁竹瀝姜汁牛羊乳一本有氣虛入四君子

湯血虛入四物湯切不可用香炒藥宜薄滋味

○一法用黃連三錢姜汁炒山查肉二錢保和丸二錢同爲末糊

丸麻子大胭脂胚子爲衣人參湯入竹瀝下五十九丸

○一方用馬鮑兒燒存性陳米湯調服即野田瓜北方多有原本書馬鮑兒誤也

○一云馬鮑兒燒存性一錢好棗肉四枚平胃散二錢溫酒調

服食即可下然後隨病源調理

○一方用吳茱萸黃連貝母瓜蒌子牛轉草丸服

○一方用韭汁二兩牛乳一盞生姜半兩搗汁和勻頓服効

○有氣結者用開導之劑有陰火上炎者作陰虛治有積血者當消息去之韭汁能下膈上瘀血

○古方用人參以補肺御米以祥毒竹瀝以清痰乾姜以養血粟米以實胃蜜以潤燥姜以去穢有治寒者必為當時有實因於寒者用之也挾寒者間或有之今人悉因痰氣久誤於醫傳變而成其無寒也明矣

○瓜蒌實丸治膈噎膈痞痛徹皆脇喘急妨悶

瓜蒌實去壳別研枳殼麩炒半夏湯洗桔梗炒各一兩

右為細末姜汁米糊為丸如梧桐子大每服五十九生薑湯送下

○寬中進食丸滋形氣喜飲食方見內傷門

東垣

方局

難

○人參利膈丸治膈噎宵中不利大便結燥痰嗽喘滿脾胃壅滯推陳致新治膈氣之聖藥也

木香

檳榔各七錢半

人參

當歸

藿香

甘草

枳實燒炒黃

大黃

酒濕蒸熟

厚朴姜製一兩

右爲細末滴水爲丸如梧桐子大每服五十九丸溫水下

○丹溪活套云凡膈噎反胃悉用二陳湯加姜汁竹瀝童便韭汁之類爲主治○如宵中覺有熱悶本方加土炒黃連黃芩瓜蒌仁桔梗之類○如血虛瘦弱之人本方合四物湯少加杏仁泥紅花童便韭汁之類仍不可缺○如飲酒人本方加砂糖駢屎入內服○如朝食暮吐暮食朝吐或食下須臾即吐者此胃可容受而脾不能傳送也或大小腸

驗

秘結不通食返而上奔也本方加酒蒸大黃桃仁之類以潤之脾不磨者本方多加麥蘖麩神麩之類以助化之○如氣虛肥白人膈噎者本方合四君子湯亦加竹瀝姜汁為要藥也○有因七情鬱結成氣噎者本方加香附撫芎木香檳榔括萎仁砂仁之類○凡膈噎大便秘結用大黃乃急則治其標之劑也仍用四物湯加童便韭汁多飲牛羊乳為上策也但不可以人乳代之蓋人乳內有飲食烹飪之火及七情之火存於中故不可代服也

○祖傳經秘方潤腸膏治膈噎大便秘結飲食良久復出及朝食暮吐暮食朝吐者其功甚捷

新取威靈仙

四兩搗十四  
五月開花者

生薑

四兩搗汁

真麻油

二兩

白砂蜜

四兩

煎沸掠出上沫

右四味同入銀石器內攪勻慢火煎候如錫時時以筋挑食之一料未愈再服一料決効

○經驗大力奪命丸治膈噎不下食及翻胃等証

杵頭糠

牛轉草各半斤糯米一斤

右爲細末取黃母牛口中涎沫爲丸如龍眼大入鍋中慢火煮熟食之加沙糖二三兩入內丸尤佳

○一方治膈膈久不納穀者噎

隔年炊飯乾不拘多少

右一味以急流順水煎者糜爛取濃汁時時與之待能食後以調脾進食生血順氣之藥調治而安

○稻溪金賢九里年五十三夏秋間得噎証胃脘痛食不下或食下良久復出大便燥結人黑瘦殊甚求予治診其脉右

手關前弦滑而洪關後畧沉小左三部俱沉弦尺帶扎予  
曰此中氣不足木耒侮土上焦濕熱鬱結成痰下焦血少  
故大便燥結陰火上衝吸門故食不下用四物以生血用  
四均子以補氣用二陳以祛痰三合成劑加姜炒黃連炒  
枳實括萎仁少加砂仁又間服閏腸丸或服丹溪墜痰丸  
半年服煎藥百餘貼病全安

○梅林駱氏婦予妻孀也年四十九身材畧瘦小勤於女工得  
膈噎証半年矣飲食絕不進而大便結燥不行者十數日  
小腹隱隱然疼痛求予治診之六脉皆沉伏予以生槐仁  
七箇令細嚼杵生韭汁一盞送下片時許病者云宵中畧  
見寬舒以四物湯六錢加括萎仁一錢桃仁泥半錢酒蒸  
大黃一錢酒紅花一分剪成正藥一盞取新溫羊乳汁一

蓋合而服之半日後下宿糞若干明日腹中痛止漸可進  
稀粥而少安後以四物湯出入加減合羊乳汁服五六十  
貼而安

書

十二饒逆

讀書饒與飽通氣上逆作聲之名也古方皆以饒為欬逆諸皆又多誤以欬為欬逆孫真人又誤以饒為欬逆亦有書饒於立切為吃逆者皆誤也

論

內經曰諸逆衝上皆屬於火丹溪曰饒病氣逆也以其氣自  
臍下直衝上出於口之名也東垣謂火與元氣不兩立又  
謂火為元氣之賊古方悉以胃弱言之而不及火且以丁  
香柿蒂竹茹陳皮等劑治之未審孰為降火孰為補虛人  
之陰氣依胃為養胃土損傷則木來侮之矣謂之吐敗木  
賊也陰為火所乘不得內相木挾相火之勢故其氣直衝



清道而上言胃弱者陰弱也虛之甚也病者見此似爲危証依正法而治之者尚不能保其一二而况誤醫者乎雖然亦有因實而爲飭者不可不審或因飲食太過填塞膏中而氣不得升降者或有痰閉於上火起於下而氣不得伸越者有爲傷寒熱病陽明內實過期而失下清氣不得升濁氣不得降以致氣不宣通而發飭者凡若此者皆實証也醫者宜專心致意察審虛實而調治之不可妄爲處治以天人之天年也幸甚

脉法

脉浮而緩者易治弦急而按之不鼓者難治

脉結或促或微皆可治 脉代者危

右關脉弦者木乘土位難治

方法

丹溪方法  
此六條

丹溪曰大率有痰有氣虛有虛火上衝視有餘不足治之

○痰與食在上者吐之人參芦稀涎散之類

○不足者補之人參白朮煎湯下大補丸

○痰用陳皮半夏氣虛用人參白朮陰火用黃連黃柏滑石或吐或補隨証施治

○飢逆自利滑石甘草黃柏芍藥人參白朮陳皮加竹瀝服

○痢疾發飢用人參白朮煎湯調益元散頻服自止

○陳皮竹茹湯治傷寒餘熱未解氣虛發飢

甘草 炙一錢 人參 二錢 陳皮 三錢 青竹茹 四錢

右細切作一服加生姜三片大棗一枚水煎服

○橘皮半夏生姜湯治氣虛有痰發飢

陳皮

半夏

乾生姜

人參

通草

各一錢

右細切作一服水一盞半煎至一盞去粗溫服

○六君子湯治痰挾氣虛發飢

陳皮

一錢

半夏

一錢

茯苓

一錢

甘草

半錢

人參

一錢

白朮

一錢半

右細切作一服加大棗二枚生姜三片新汲水煎服

○丹溪活套云凡傷寒發飢有四証不可不辯有中氣不足脉

虛微氣不相續而發飢者宜用補中益氣湯加生脉散黃

柏以降虛火或少加附子服之立愈有陽明內實失下而

發飢者宜大承氣湯下之而愈有渴而飲水大過成水結

膏而又發飢者宜小陷胃湯或用小青龍湯去麻黃加附

子治水寒相搏發飢大妙有傳經傷寒熱証醫者誤用姜

桂等熱藥助起火邪痰火相搏而爲咳逆者宜用黃連解  
毒白虎湯及竹瀝之類治之

○祖傳經驗灸咳逆法

乳根二穴直乳下一寸六分婦人在乳房下起肉處陷中  
灸七壯即止其効如神

又氣海一穴直臍下一寸半灸三七壯立止

刺陽李氏子有傷寒陽明內實醫與補藥冷而成發既十日  
後召予診其脉長而實大與大承氣湯大下之熱退而能  
亦止

盤松周氏子得傷寒証七日熱退而能連聲不絕李家滂程  
召予診其脉六脉皆沉細無力人倦甚以補中益氣湯作  
大劑加炮附子一錢一日三貼煎與灸乳根氣海三灸當  
日紙止脉亦充而平安

吞酸二十一

內經曰諸嘔吐酸皆屬於熱惟李東垣獨以爲寒誠一偏之見也河間原病式曰酸者肝木之味也由火盛制金不能平木則肝木自甚故爲酸也如飲食熱則易於酸矣是以肝熱則口酸也或言爲寒者但謂傷生冷硬物而喜噫醋吞酸故俗醫主於溫和脾胃豈知人之傷於寒也則爲病熱蓋寒傷皮毛則腠理閉密陽氣怫鬱而爲熱証故傷寒熱在表而以麻黃湯熱藥發散使腠理開通汗泄熱退而愈也凡內傷冷物者或但陰勝陽而爲病寒或寒熱相搏怫鬱而爲病熱亦有內傷冷物而反病熱得汗泄熱退身涼而病愈也或微而止爲中酸俗謂之醋心法宜溫藥散之亦循傷寒解表之義若久喜酸不已則不宜溫宜以寒藥治之後以涼藥調之結散熱去則氣和矣所以中酸不宜食粘滑油膩者謂能令氣

鬱不通暢如食物在器覆蓋熱而自酸宜煖粉食菜蔬能令  
氣之通利也曰寒曰熱於斯明矣學者詳之

脉法

脉弦而滑 兩寸或浮而弦或浮而滑或沉而遲或緊而洪  
或洪而數或沉而遲膏中有寒飲洪數者痰熱在膈間時吐  
酸水欲成胃反也

方法

丹溪方法  
凡七條

○茱連丸

吳茱萸

去梗湯泡  
浸半日

陳皮

去白

黃芩

陳薛土炒各五錢

黃連

土炒一兩

蒼朮

米泔浸七錢半

右爲細末神麴糊丸如菉荳大每服二三十九津瀉嚥下一  
方茱連二味隨時令寒熱迭爲佐使

寒月倍茱萸  
熱月依本方

蒼朮茯苓爲補助湯浸蒸餅爲小丸吞之

○治酸必用茱萸順其性而析之

○食鬱有痰二陳湯加南星黃芩之類

○加味平胃散治吞酸因食鬱所致

生料平胃散加炒神麩炒麥芽姜棗同煎

○酸味宜節厚味必蔬食自養則病易安

○吐清水用蒼朮陳肆土炒茯苓滑石炒白朮陳皮煎服

○參萸丸上可治吞酸下可治自利又云治濕而氣滯者濕熱

甚者用之爲鄉導

六一散一料吳茱萸一兩制右爲飯丸服

○藿香安胃散治脾胃虛弱飲食入胃嘔吐作酸不待腐熟

藿香 丁香 人參各二錢 陳皮五錢

右爲細末每服二錢加生姜水煎溫服

○加減二陳湯治痰飲爲患嘔吐頭眩心悸或因食生冷硬物

脾胃不和時吐酸水

丁香半錢半夏

陳皮各二錢半茯苓一錢半

甘草七分半

右細切作一服加生姜三片水煎服

○三因越木丸治中脫宿食留飲酸蜚心痛吐清水

神麴炒三兩蒼木米泔浸一兩半砂仁一兩陳皮去白一兩

右爲細末生姜汁別煮神麴糊爲丸如梧桐子大每服七

十九姜湯送下

○祖傳經驗治吞酸方

用黃連吳茱萸各一兩右以黃連細切同茱萸以井花水



浸七日去連將茱萸焙乾每日清晨以米湯下四十九粒

嘈雜噯氣二十二

論

內經曰胃爲水穀之海無物不受若夫濕麩魚腥水菓生冷以及烹飪調和粘滑難化等物恣食無節朝傷朝損而成清痰稠飲滯于中宮故謂嘈雜噯氣吞酸痞滿甚則爲翻胃膈噎即此之由也夫嘈雜之爲証也似飢不飢似痛不痛而有懊懷不自寧之况者是也其証或兼噯氣或兼痞滿或兼惡心漸至胃脘作痛痰火之爲患也治法以南星半夏橘紅之類以消其痰芩連枳子石膏知母之類以降其火蒼朮白朮芍藥之類以健脾行濕壯其本元又當忌口節慾無有不安者也

實

暮

脉法

右寸関脉緊而滑 兩寸弦滑胃中有留飲

寸脉橫者膈上有橫積也○右関弦急甚者木乘土位欲作

胃反難治

方法

丹溪方法  
凡八條

丹溪曰此爲食鬱有熱炒梔子姜炒黃連乃必用之藥也

○肥人宜二陳湯少加撫芎蒼朮白朮梔子

○若濕痰氣滯不喜食用三補丸加蒼朮倍香附

○三聖丸治嘈雜神効

白朮

四兩

黃連

五錢

橘紅

一兩

右爲細末神麩糊丸如菘菹大每服五十九津嚥下或姜

湯下

○木連丸治嘈雜

白木四兩黃連四錢半

右爲細末神麩糊丸如黍米大津瀉下

○軟石膏丸治噎氣嘈雜

南星炮製半夏湯泡軟石膏煨香附童便浸透

梔子炒

右各等分爲細末粥丸如梧桐子大每服五十九丸姜湯下

○麩朮丸治中脘有飲則嘈宿食則酸方見吞酸門

○大抵嘈雜是痰因火動令人心嘈似飢非飢有積有熱也

宜用山梔子黃連姜汁爲君南星半夏陳皮爲臣熱多加青代若食齏有熱梔子與姜炒黃連不可無

痞滿二十三

內經曰備化之紀其病痞又曰太陰所至爲積飲痞膈夫痞滿之証東垣論之詳矣謂太陰濕土主壅塞乃土來心下爲痞滿也傷寒下之太早亦爲痞滿乃寒傷榮血而然心主血邪入於本故爲心下痞仲景以瀉心湯用黃連瀉心下之土邪功效甚速非止傷寒爲然至於酒積雜病下之太過亦作痞滿蓋下多則亡陰也亡陰者謂脾胃水穀之陰亡也故胃中之氣因虛而下陷于心之分野故心下痞宜升胃氣以血藥治之若全用利氣之藥導之則痞尤甚痞甚而復下氣愈不降必變爲中滿鼓脹皆非其治也又有虛實之異如實痞大便秘者厚朴枳實主之虛痞大便利者芍藥陳皮主之如飲食所傷而爲痞滿者宜消導其胃中空塞之氣上逆兀兀

欲吐者則宜吐之所謂在上者因而越之是也學者宜詳究焉

### 脉法

脉經曰痞脉浮堅而下之緊反入裏因作痞

脉濡弱弱反在關濡反在顛微反在上澁反在下微則陽氣不足澁則無血陽氣反微中風汗出而燥煩澁則無血厥而且寒陽微不可下下則心下痞堅

右關脉多弦弦而遲者必心下堅

此肝木結脾土鬱結泛閉於藏府氣不舒則痞

### 方法

丹溪方法凡二條

丹溪曰痞滿與脹滿不同脹滿內脹而外亦形痞則內壅痞悶而外無脹急之刑也蓋由陰伏陽蓄氣血不運而厥位腹心下之中腹滿痞塞皆土邪之所爲耳有因誤下裏氣虛

和乘虛而入於心之分野有因食痰積不能施行 而作

痞者有濕熱太甚土來心下而為痞者

○用黃連黃芩枳實之苦以泄之厚朴生姜半夏之辛以散之  
人參白朮之甘溫以補之茯苓澤瀉之鹹淡以滲之大棗  
與濕同治使上下分清可也

○厚朴溫中湯治脾胃虛弱心腹脹滿痰痛時發時止

厚朴

姜汁拌炒

陳皮

去白各一錢

茯苓

草薢

甘草

木香 各半錢

乾生姜 一錢

右細切水煎服

○木香順氣湯治腹脹心腹滿悶

木香

益智

陳皮

蒼朮

草薢

各半錢

厚朴

姜製

青皮

各四分

茯苓

澤瀉

半夏

各六分

乾生姜

萊菔

各三分

當歸

人參

各五分

升麻

柴胡 各一錢

右細切作一服水一盞半煎至一盞溫服

○瘡有痰挾血成窠囊者用桃仁紅花香附大黃之類治之

○七氣湯治七情所傷憂思鬱結肝藏氣不和平心腹痞悶

半夏 茯苓各二錢 厚朴錢半 紫蘇葉 一錢

右細切作一服加生姜三片水一盞半煎至一盞溫服

○大消痞丸治一切心下痞及年久不愈者

乾生薑 神麴炒 甘草各二錢 朱苓貳錢半

澤瀉 厚朴姜汁炒 砂仁各參錢 半夏湯洗七次去皮臍

陳皮去白 人參各四錢 枳實五錢去麩麩炒

黃連陳僻土炒 黃芩如連制 姜黃 白朮各一兩

右爲細末湯浸蒸餅爲丸如梧桐子大每服五十九至百

九空心白湯下

○失咲丸一名枳實消痞丸

治右關脈弦心下虛痞惡食懶倦聞胃進

食

乾生姜一錢 甘草炙

麥蘖麩炒

白茯苓

白朮各二錢

半夏麩

人參各三錢

厚朴姜制四錢

枳實麩炒黃

黃連各五錢

右爲細末蒸餅丸如梧桐子大每服七八十九白湯下

垣東

○消痞湯一名木香化滯湯

治因憂氣鬱結中脘腹皮裏微痛心下痞

滿不思飲食

川歸

枳實炒各四分

陳皮

生姜

木香各六分

柴胡七分 甘草炙

草薺各一錢麩包煨

半夏一錢半

紅花一分



右細切作一服加生姜三片水二盞煎至一盞溫服

疎

○黃連消痞丸治心下痞滿壅滯不散煩熱喘促不安

澤瀉

姜黃各一錢 乾生薑二錢 甘草炙

茯苓

白朮各三錢 陳皮五錢 朱苓去黑皮五錢

枳實麩炒黃色七錢

半夏湯泡七次黃連一兩

黃芩二兩炒

右爲細末蒸餅爲丸如梧桐子大每服五十九白湯下

疎

○黃芩利膈丸除胃中熱利膈上痰

生黃芩炒黃芩各一兩半夏 黃連各五錢

澤瀉三錢 附子

枳殼麩炒去穢陳皮去白各三錢

白朮二錢 白礬一錢 今加蘿蔔子五錢炒

小皂角一錢

右爲細末湯浸蒸餅爲丸如梧桐子大每服五十九白湯下忌酒濕麪魚腥

○丹溪活套云凡心下痞滿須用枳實黃連○如肥人心下痞內有濕飲宜蒼朮半夏確砂茯苓滑石之類○如瘦人心下痞乃鬱熱在上焦宜枳實黃連以導之葛根升麻以發之○如人飲食後因胃風寒飲食不消而作痞滿宜吳茱萸確砂藿香草豈蔻之類溫以化之○如脾氣虛弱轉運不調飲食不化而作痞者宜白朮山查神麩麥芽之類以消之○又曰痞滿之証不一有傷寒下早而作痞者枳殼桔梗湯卜陷胃湯之類○有因飲食填塞胃中而作痞者保和丸東垣枳實導滯丸朮香化滯湯之類○傷寒下多則亡陰而痞者四物湯加參苓白朮升麻柴胡少佐以陳

除皮枳殼之類鹽之○或大病後元氣未復而胃滿氣逆者  
補中益氣湯陳皮枳朮丸朮香枳朮丸之類○夫痞滿之  
証不可執一全在活法詳脉証虛實而調之可也

山頭沈三十一丈年三十餘身材肥盛夏秋間因官差丈量  
田地辛苦至冬間得痞滿証兩脇氣攻胃中飽悶不能卧  
欲成脹滿証歷數醫者皆與疎氣耗散之藥皆不効十一  
月初旬召予診治兩手關前皆浮洪而弦濡兩關後脉皆  
沉伏予曰此膈上有稠痰脾土之氣救阜肝木鬱而不伸  
當用吐法木鬱達之之理也柰何值冬月降沉之令未可  
行此法且先與豁痰疎肝氣瀉脾胃救阜之氣用平胃散  
加半夏茯苓青皮川芎草龍胆香附砂仁柴胡黃連瓜蒌  
子等藥病退之十有三四待次年二月初旬爲行倒倉法

平安

腫脹 二十四

論

內經曰諸濕腫滿皆屬於脾又曰諸腹脹大皆屬於熱夫脾虛不能制水水漬妄行故通身面目手足皆浮而腫名曰水腫或腹大如鼓而面目四肢不腫者名曰脹滿又名鼓脹皆脾土濕熱爲病腫輕而脹重也丹溪曰心肺陽也君上腎肝居陰也居下脾居中亦陰也屬土經曰飲食入胃游溢精氣上輸於脾脾氣散精上歸於肺通調水道下輸膀胱水精四布五經並行是脾具坤靜之德而有乾健之運故能使心肺之陽降腎肝之陰升而成天地交之泰是爲平人令也七情內傷六淫外侵飲食不節房勞致虛脾土之陰受傷轉輸之官失

陽

居

職胃雖受穀不能運化故陽自升陰自降而成天地不交之  
隧否清濁相混縫道壅塞濕鬱爲熱熱又生濕濕熱相生遂成  
脹滿經曰鼓脹是也以其外雖堅滿中空無物有似於鼓膠  
固難治又名蠱者若虫侵蝕有蠱之義理宜補脾又須養肺  
以制木使脾無賊邪之慮滋腎以制火使肺得清化之令卻  
益味以防助邪斷妄想以保母氣遠音樂戒暴怒無有不安  
醫者不察急於獲効病者苦於脹滿喜行利藥以求通快殊  
不知寬得一日二日復脹愈甚真氣已傷去死不遠矣俗謂  
氣無補法者以其痞滿壅塞似難於補不思正氣虛而不能  
運行邪帶着而不出所以爲病經曰壯者氣行則愈怯者着  
而成病氣虛不補邪何由退病何由安且此病之起固非一  
年根深蒂固欲取速効自求禍耳王道者可與語此其或

受病之淺脾胃尚壯積滯不固者惟可畧與疎導而不可峻

與利藥也

愚後先生此論詳明殆盡蓋千古不易之定議也及現東垣脹滿論又以藏寒生滿病立說引脈經胃中寒則脹滿之語以為之証愚恐南北風土異熱不同難以一途而論雖然愚嘗按丹溪法活人多矣是以東垣之論不與膈合故不敢採其言以為後人之惑也

脈法

鍼經曰其脈大堅以瀉者脹也

脈經曰關上脈虛則內脹

遲而滑者脹

脈盛而緊者脹

虛而緊瀉者脹

或弦而遲或浮而數皆脹也

丹溪曰水腫脈多沉伏病陽水兼陽証脈必沉數○病陰水

兼陰証脈必沉遲○煩滿小便亦澁大便秘結此為陽水

不煩滿大便澹小便少而不赤澁此爲陰水

脈沉而滑爲風水 脈浮而遲弦而緊皆爲腫也

生水病腹大如鼓脈實者虛者死洪大者生微細者死

腹脹便血脈大特絕劇脈小疾者死

中惡腹大四肢滿脈大而緩者生浮而緊者死

緊而榮衛俱絕而浮腫者死

唇腫齒焦者死 卒唇腫而蒼黑者死

掌腫無紋者死 臍腫凸出者死

缺盆平者死 陰囊莖俱腫者死

脈絕口張足腫者死 足趺腫膝如斗者死

方法 丹溪方法

丹溪曰古方惟禹餘糧丸制肝補脾殊爲切當然亦須隨時

隨証加減一友人得脹疾自制此藥服之予曰溫熱藥多且煨煉之火尚存宜自加減彼不聽服之一月口鼻出血骨立而死

○朝寬暮急血虛暮寬朝急氣虛朝暮急氣血俱虛

○治腫脹大法宜補中行濕利小便以人參白朮為君蒼朮陳皮茯苓為臣黃芩麥門冬為使以制肝木少加厚朴以消腹脹氣不彈加木香木通氣下陷加升麻柴胡提之血虛加補血藥寒盛加利疾藥隨証加減用之無不効者

○盧氏醫鏡以水腫隸於腎肝胃而不及脾又肺金盛而生水水溢妄行豈理也哉夫脾上受肺肺為之子固不能自盛而生水然肺金氣清而能生水則滋長腎陰奉行降令為生化之源何病腫之有乎為腫之水乃腐濁之氣滲透經



亦絡流注谿谷灌入縫道血赤因之而化水欲藉脾土以制之道腎氣以利之殊不知脾病則金氣衰木竅於畏而來侮土脾欲不病不可得矣治法宜清心經之火補養脾土全運化之職肺氣下降滲道開通其精之之清者復因而爲氣爲血爲津液敗濁者在上爲汗在下而爲溺以漸而分消矣

○腰已上腫者宜發汗腰已下腫者宜利小便此仲景之法  
○東垣曰宜以辛散之以苦瀉之以淡滲利之使上下分消其濕正所謂開鬼門潔淨府開鬼門者謂發汗也潔淨府者利小便也

○產後浮腫必大補氣血少佐以蒼朮茯苓使水自降大劑白  
素木補脾壅滿者用半夏陳皮香附紫之有熱當清柿金麥監

門冬黃芩之屬

○熱水腫用山梔子仁炒爲末米飲調下三五錢若胃脘熱病  
在上者連殼用

○禹餘糧丸治中滿氣脹喘滿及水氣脹

蛇含石

三兩

針砂

五兩

禹餘糧

三兩

同針砂炒

已上三味爲主其次量入厓實入下項藥

木香

牛膝

蓬莪朮

白蔞藜

桂心

川芎

茴香

白芷仁

三稜

羌活

茯苓

乾姜

青皮

陳皮

附子

炮

當歸

各五錢

右爲末湯浸蒸餅爲丸如梧桐子大每服五十九空心溫

酒下

方百

○絜矩三和湯

陳皮 去白

柴蘇

甘草 炙各七分

厚朴 姜製

檳榔

白木 各一錢

海金砂 四分

木通 二分

右細切作一服加生姜三片水煎服

子

○齊生紫蘇湯專治憂慮過度致傷脾肺心腹脹滿喘促治腸

鳴氣走瀉瀉有聲大小便不利脉虛而緊瀼

紫蘇子 一錢研

白木 二錢

人參 一錢

大腹皮 酒洗淨

草菓仁

半夏

厚朴

木香

陳皮

枳殼 麩炒黃色

甘草 炙各五分

右細切作一服加生姜三片大棗一枚水煎溫服

○木香順氣湯治濁氣在上則生膜脹

木香 三分

厚朴 四分

青皮

陳皮

益智

茯苓

澤瀉

乾生姜

半夏各貳分

吳茱萸湯泡二分

川歸五分

升麻

柴胡各一分

草薺三分

蒼朮五分

白朮一錢

右細切作一服水二盞煎至一盞溫服

○中滿分消丸治中滿鼓脹氣脹水脹熱服

黃芩夫色細切酒拌  
炒二次七錢

黃連

枳實麩炒黃色

半夏湯泡七錢  
去皮

姜黃

白朮

人參各二錢半

甘草炙

朱苓去異皮  
各一錢 乾生姜

白茯苓

砂仁各二錢

厚朴姜制  
五錢

知母去色酒炒

澤瀉

陳皮去白各三錢

右為細末蒸餅糊丸如梧桐子大每服百丸焙熟白湯飲

淡姜湯下

如東

○廣米潰堅湯治中滿腹脹內有積塊堅硬如石令人坐卧不

寧二便澀滯上氣喘促或通身虛腫

厚朴

姜制

黃芩

黃連

益智

草豈菟

當歸

各五分

半夏

七分

麝香

升麻

紅花

吳茱萸

各二分

生甘草

柴胡

澤瀉

神麩炒

青皮

陳皮

各三分

渴加乾葛

四分

右細切作一服加生姜三片水二盞煎七分溫服食遠忌酒醋濕麪二服之後中滿減半止有積塊未消再服後藥

○半夏厚朴湯

紅花

蘇木

各半

木香

青皮

各二分

吳茱萸

乾生姜

黃連

各一分

肉桂

蒼朮

白茯苓

澤瀉

柴胡

陳皮

生黃苓

醫學正傳

卷之三

三

草豈寇

生甘草

各三分

京三稜

當歸梢

朱苓

升麻

各四分

神曲炒六分

厚朴姜制八分

半夏

湯炮

桃仁

七箇去皮尖研如泥

昆布

如渴加乾姜

三分

右細切作一服水三盞煎至一盞稍熱服此藥二貼之

後前証又減一半却於前藥中減服之加

○破滯氣湯

化滯散一名木香

破滯氣心腹滿悶治

甘草

炙一分

白檀香

藿香

陳皮

大腹子

白苳薏

白茯苓

枳椇

各二分

砂仁

人參

青皮

檳榔

木香

姜黃

白朮

各四分

右細切作一服水一盞半煎至一盞去粗溫服不拘時候

○草薺薤湯治腹中虛脹

澤瀉一分 木香三分 神麩四分 半夏泡

枳實炒 草薺夏 黃芪夏 不用益智

甘草各五分 青皮 陳皮各五分 茯苓

常歸各七分

右細切作一服加生姜三片水二大盞煎至一盞溫服冬月加黃芪五七分春夏止服正藥食遠

○葶藶木香散治濕熱內外甚水腫腹脹小便赤澀大便滑泄

此藥下水濕消腫脹止瀉利小便之藥聖也

葶藶子 茯苓去皮 朱苓去皮 白朮各二錢半

木香半錢 澤瀉 木通 甘草各五錢

辣桂二錢半 白滑石三兩

右爲細末每服三錢白湯調下食前服

○白朮木香散治喘嗽壅滿欲變成水病者不能卧不敢多食

小便閉而不通者

白朮

木猪苓

去皮

甘草

澤瀉

木通

赤茯苓

各五分

木香

檳榔各三分

陳皮

去白二錢

官桂

二分

滑石二錢

右細切作一服加生姜三片水一盞半煎至一盞溫服

○二氣散治水氣壅脹滿悶

白丑

黑丑

各二錢

右爲細末外用大麥麩四兩同一處拌勻做燒餅臨卧用

茶清一盞下降氣爲驗

○牽牛丸治一切濕熱腫滿等証



黑丑

黃芩

大黃

樹目

滑石 各等分

右為細末酒煮麩糊為丸如梧桐子大每服五丸至七丸  
生姜湯下食後服看虛實加減丸數

○三花神祐丸治中滿腹脹喘嗽淋瀝一切水濕腫滿濕熱腸  
垢陳積變生諸疾久病不已黃瘦困倦氣血壅滯不得宣  
通或風熱燥鬱肢體麻痺走注疼痛風痰涎嗽頭目眩運  
瘡疾不已癥瘕積聚堅滿痞悶酒積食積一切痰飲嘔逆  
及婦人經病不快帶下淋瀝無問赤白併男婦傷寒濕熱  
腹滿實痛久新瘦弱俗不能辨兼瀉新舊腰痛併一切下  
痢及小兒驚疳積熱乳癖腹滿並宜服之

甘遂

大戟

芫花

醋拌濕炒各五錢

黑丑

二兩取頭末一兩淨

大黃

一兩

輕粉

一錢另包不研

右爲細末同輕粉拌勻滴水爲丸如小葶大初服五丸每服五丸溫水下日三服加至快利爲度利後却又常服病去乃止設病愈後惟老弱久病虛人勿服平人常服保養宣通氣血消進飲食病痞悶極甚者便多服則頸攻不開轉加痛悶宜初服二丸每服加二丸至快利爲度以意消息小兒丸如麻子大隨強弱大小增減丸數三四歲者三四丸依前法服

河○宣明雞屎醴飲

詞出素問  
腹中論

治鼓脹旦食則不能暮食痞滿壅

塞難當

大黃

桃仁 去皮

乾雞屎

右各等分爲細末每服二錢水一盞生姜三片煎湯調下食遠臨卧服

○丹溪活套云凡腹脹須用姜制厚朴肥人腹脹必用利濕蒼  
木茯苓滑石海金沙之類○色白人腹脹必是氣虛用人  
參白朮白茯苓之類○瘦人腹脹是熱必用黃連黃芩枳  
子厚朴之類○如因有故蓄血而腹脹者用桃仁紅花其  
者用抵當湯丸之類○如因食積而腹脹者保和丸加木  
香檳榔阿魏之類○有熱鬱而脹者木香檳榔丸之類下  
之○有寒積鬱結而脹者局方丁香脾積丸東垣三稜消  
積丸之類○如因外寒鬱內熱而腹脹者用藿香官桂升  
麻乾葛之類○如因多怒鬱氣而脹者宜用蒼朮撫弓香  
附青皮芍藥柴胡及龍薈丸之類○凡腹脹初得是氣脹  
宜行氣疎導之劑木香檳榔枳殼青皮陳皮厚朴之類○  
久則成水脹宜行濕利水之劑

○祖傳經驗雞屎醴治鼓脹氣脹水脹等証

羯雞屎 一升

右一味研細炒雋色地上出火毒再研極細百沸湯三升  
淋汁每服一大盞調木香檳榔末各一錢日三服空腹服  
以平爲期

○文經驗方治腫脹或通身水腫或腹大堅滿

三稜

莪朮

各用  
醋炒

陳皮

去白

青皮

砂仁

羌活

防己

澤瀉

連翹

檳榔

各三錢

甘遂

二錢  
半

椒目

木香

乾漆

炒烟盡各一錢

白丑

黑丑

各二兩  
取頭末九錢

大黃

八錢  
雙頭連三錢

右研爲細末麩糊爲丸如梧桐子大每服三錢重空心温  
酒送下以利爲度病退即止藥忌甘草菘菜鹽醬

○又經驗桃奴丸治婦人或室女月經不通漸成脹滿及男子  
墜馬跌撲損傷以致瘀血停積成血蠱病皆能治之

桃奴

桃對上乾朽樹根也十二月收用

假鼠糞

兩頭尖者是雄鼠糞也

玄胡索

肉桂

香附子

五靈脂

砂仁

桃仁

去皮尖各等分

右為末每服三錢溫酒調下

○予族八一兄素能飲酒年五十得腫脹病通身水腫腹脹尤  
甚小便澀而不利大便滑泄召予治予曰若戒酒色鹽醬  
此病可保無危不然去生漸遠兄曰自今日戒起予以丹  
溪之法而以參朮為君加利水道制肝木清肺金等藥十  
貼而小水長大便實腫退而安又半月有二從弟平日同  
飲酒者曰天民弟素不飲酒山中之鹿耳我與兄水中之

魚也鹿可無水魚亦可無水乎三人遂痛飲沉醉而止次日病作甚於前後來求治予曰不可爲矣揆過一月而逝○梅林妻姪孫駱智二得腫脹証亦令戒前四事用前法服藥四五十貼而愈頗安五年一日僕曰人不吃鹽醬與死何異遂開鹽十數日後舊病大作再來求治不許又告欲行倒倉法予曰脾虛之甚此法不可行於今日也踰月膨脹而死予用丹溪之法治腫脹愈者多矣不能盡述特書此二人不守禁忌者以爲後人病此者之戒云

積聚 二十五

論

內經曰積聚留飲痞膈中滿濕積霍亂吐下癥瘕堅硬腹滿皆大陰濕土乃脾胃之氣積聚之根也難經曰積者陰氣也

聚者陽氣也故陰沉而伏陽浮而動氣之所積名曰積氣之所聚名曰聚故積者五藏所生聚者六腑所成也夫所謂積者陰氣也其始發有常處其病不離其部上下有所終始左右有所窮處謂聚者陽氣也其始終無根本其痛或隱或見上下無所留止痛發無所定位是故肝之積名曰肥氣在右脇下如覆杯有頭足久不愈令人發欬逆痰瘕連歲不已心之積名曰伏梁起臍上大如臂上至心下久不愈令人煩心解之積名曰痞氣在胃脘右側覆大如盤久不愈令人四肢不收發黃疸飲食不爲飢膚肺之積名曰息奔在右脇下大如覆杯久不愈令人洒淅寒熱喘咳發肺壅腎之積名奔豚在小腹上至心下若豚狀或下或上無時久不愈令人喘逆骨痿少氣東垣曰鍼經云其成積者蓋厥氣生足悅足悅生

氣

經寒脛寒則血脉凝澁故寒上入腸胃所以腹脹臌脹則腸外之汁沫迫聚而不得散日以成積矣或盛食多飲則脉傷若起居不節用力過度則陽絡脉傷陽絡脉傷則血外溢血外溢則衄血陰絡脉傷則血內溢血內溢則便血腸胃之絡脉傷則血溢於腸外腸外有寒汁沫與血相搏則氣聚而成積矣或外中於寒內傷於憂怒則氣上逆氣逆則六腑不通溫氣不行凝血蘊裹不散津液凝澁滲着不去而成積矣又曰生於陰者蓋憂思傷心重寒傷肺忿怒傷肝醉以入房汗出當風則傷脾用力過度入浴則傷腎此內外三部之所生病也故難經中說五積各有其名如肝積曰肥氣在左脇下如杯而臍左有動氣按之牢若痛者是無是非也餘積皆然治者當察其所痛以知其應有餘不足可補則補可瀉則瀉



母逆天時詳藏府之高下如寒者熱之結者散之客者除之  
留者行之堅者削之按之摩之誠以鞭之苦以瀉之全其真  
氣而補益之隨其所利而行之節飲食慎起居和其中外可  
使必已不然徒以大毒之劑攻之積不能除反傷正氣終難  
復也可不慎與

耗<sub>1</sub>

脉法

脉經曰脉來細而附骨者積也在寸口積在膏中微出寸口  
積在喉中在關上積在臍傍上關上積在心下微下關積  
腹在小腸尺微積在氣衝脉出在右積在右脉出在左積在  
左脉兩出積在中央各以其部處之也

脉來小沉而實者脾胃中有積聚不下食食則吐

肺積脉浮而毛按之辟易 心積脉沉而芤上下無常處

肝積脉弦而細

腎積脉沉而急

脉沉重而中散者因寒食成積

脉左轉而沉重者氣癥積在胷中

脉右轉出不至寸口者內有肉癥也

方法

丹溪方法  
凡六條

丹溪曰塊乃有形之物氣不能成形痰與食積死血也在中  
爲痰飲在右爲食積在左爲死血大法醎以軟之堅以削  
之行氣開痰爲主

○治積塊方用海石三稜莪朮香附

已上俱用醋煮

桃仁紅花五靈脂

之類爲丸石醎白朮湯下

○黃蜀葵根煎湯入人參白朮青皮陳皮甘草稍牛膝煎成膏  
入細研桃仁玄明粉各少許熱飲之二服當見塊下病重

者補接之後加減再行

○石醮去痰積食積洗滌垢膩有功

○瓦壘子能消血塊次消痰

瓦壘子即蚌殼也靈尚書後英壘南改蚌名瓦壘子以其壳上有凌如瓦壘故名之耳出嶺表異錄

○積塊不可專用下藥徒損其氣病亦不去當消導使之鎔化

其死血塊去須大補

○三聖膏貼積塊

用未化石灰半斤為末瓦上炒微紅提出候熱稍減入大黃末一兩炒熱仍提出入桂心末五錢畧炒以米醋熬成膏厚攤烘熱貼之

○琥珀膏 用大黃朴硝各一兩為末以大蒜搗膏貼之

○阿魏丸治肉積成塊

阿魏

山查

各壹兩

連喬

五錢

黃連

六錢半

右以下三味為細末以阿魏用米醋煮糊為丸如梧桐子大每服五十九脾胃虛者以白朮三錢陳皮茯苓各一錢煎湯送下○一方加半夏一兩透以皂角同煮石礮三錢○又一方以醋煮神麩糊為丸無連翹○又一方既煎諸方而又有瓜蒌貝母南星風化硝胡黃連萊菔子麥蘗麩姜汁浸蒸餅為丸治諸般積聚用者更宜詳之

# 治

○大溫中丸○小溫中丸俱以食積成痞塊面色痿黃肌膚虛腫飲食無味等証二方俱見黃疸門

○凡婦人腹中有塊多屬死血

○一方治婦人死血食積痰飲成塊在兩脇動作雷鳴嘈雜眩

運身熱時作時止

黃連

一兩半

半以吳茱萸半兩同炒去茱萸  
半以益母半兩同炒去益母

茱萸子

半兩

台芎

梔子

三稜

我朮

醋煮

麥麩

桃仁去皮尖  
各五錢

香附

童便浸

山查

各一兩

右爲細末蒸餅爲丸如梧桐子大每服五十九姜湯下

○一方治婦人血塊如盤有孕難服峻藥

香附

醋煮

桃仁

皮去

海石

醋煮

白朮

一兩

右爲細末神麩糊丸服

○凡瘡塊在皮裏膜外須用補氣藥及香附開之兼二陳湯先

須斷厚味爲要

○倒倉法用肥嫩黃牝牛肉二三十斤切成小片去筋膜長流

水煮糜爛以布濾去渣滓取淨汁再入鍋中慢火熬至

珀色則成劑矣令病者預先斷慾食淡前一日不食晚飯  
設密屋一間明亮而不通風處行之置穢桶及木瓦盆貯  
吐下之物一磁甕盛所出之溺令病者入室以汁飲一杯  
少時又飲一杯積數十杯寒月則重湯溫而飲之任其吐  
利病在上者欲其吐多病在下者欲其利多病在中者及  
在上復在下者欲其吐利俱多全在活法而為之緩急多  
寡也視所出之物必盡病根乃止吐利後必渴甚不得與  
湯以所出之湯飲之各輪迴酒非惟可以止渴抑且可以  
蕩滌餘垢行後倦睡查飢先與稠米飲次與淡稀粥三日  
後方可與小菜羹次與粿厚粥軟飯調養半月或一月自  
亮精神煥發形体輕捷沉痾悉能痊矣其後須忌牛肉數  
年夫牛坤土也黃土之色也以順為性而効法乎乾以為

功者牡之用也。肉者胃之樂也。熟而液無形之物也。橫散入肉絡，由腸胃而滲透肌膚毛竅，爪甲無不入也。積聚又則形質成，依附腸胃迴薄曲折，麤以為衄，泊之繫曰阻礙。氣血津液薰蒸燔灼成病，自非刮腐刮骨之神妙，可以銖兩丸散窺犯其藩牆戶牖乎。肉液之散溢腸胃受之，其厚皆倍於前，有似乎腫。其迴薄曲折處，肉液克滿流行，有如洪水泛漲，其浮槎陳朽皆推逐蕩漾，順流而不可停留。在表者因吐而汗，其清道者自吐而湧，濁道者自泄而去。凡屬滯碍一洗而盡，牛肉全重厚和順之性，盎然澆然潤澤。枯槁補益虛損寧無精神煥發之樂乎。正似武王克商散財發粟以賑殷人之仰望也。其方得於西域之至人，凡入於中，年後行一二次，亦卻疾養壽之一助也。

夫倒倉法全藉白飲輪迴酒十數杯以祛餘垢逆接調勻  
新布榮衛使穢氣背膜生意敷暢有脫胎換骨之功也多  
嫌其穢因致中絞而功虧一簣若非明物理通造化者其  
肯視為羨醞良味乎此段乃丹溪與入書簡所論也

愚按內經謂脾胃者倉廩之官五未出焉大腸者傳道  
之官變化出焉小腸者受盛之官化物出焉今詳此法  
名爲倒倉謂傾倒倉廩之陳腐也其論中反覆叮嚀之  
意無非只爲腸胃中痰積膠固及化生諸般奇形之虫  
誠恐痼疾難療愚嘗屢試明驗惟脾胃與大小腸有食  
積痰飲而爲腹瀉者食積黃肝痞滿惡心噯氣噯雜  
吞酸等証行之無不應手獲効其餘一應氣血虛損與  
夫天胃膈噎鼓脹癆瘵大風真病已成及肥白氣虛之



人或一切証候脉虛軟無力者切不可輕試以自招咎  
衍丹溪有謂咯血吐紅久病嘗用此法而愈者蓋必其  
真其不人胃中痰火太盛而其氣壯實未虧亦在丹溪之高見  
親手用之則可今人效顰而妄以似是而非者行之是  
乃徒取誚於他人而反謗以丹溪之法不堪信也慎之  
慎之

垣東

○廣木潰堅湯治有積塊堅硬如石形大如盤令人坐卧不安

中滿腹脹

方見腫脹門

垣東

○半夏厚朴湯治証同前

方見腫脹門

○三因散聚湯治九氣積聚狀如癥瘕隨其上下發作有時心氣

腹疔痛攻刺腰脇小腹膜脹大小便不利

半夏

枳櫛

川歸各四分  
陳皮

杏仁

去皮尖另研

桂心各一錢

茯苓

一錢甘草炙

附子泡

川芎

各五分

枳殼

麩炒厚朴姜制

吳茱萸

易包去梗焙乾各一錢五分

大黃

酒拌濕蒸半錢或一錢大便秘即去之

右細切作一服加生姜三片水二盞煎至一盞溫服

丸

○千金硝石止可磨塊不令人困須量虛實用之

硝石

六兩

大黃八兩

另人參

甘草各三兩

右爲細末以三年陳米醋三升置磁器中以竹片作準每

入一升作一刻先入大黃不住手撓使微沸盡一刻乃下

餘藥又盡一刻微火熬使可丸如雞子黃大每服一九白

湯化下或丸如梧桐子大每服三五丸服後下如雞肝

或如米泔赤黑色等物乃効下後忌風冷宜軟粥將息

丸

○局方妙香治久年陳積方見火門

○導氣枳殼丸治氣結不散心胃痞痛逆氣上攻分氣逐風功

莫盡述

枳殼

去穢麩炒

木通炒

青皮

陳皮

並去白

桑白皮炒

萊菔子炒

白丑炒

黑丑炒

我朮煨

茴香

炒

京三稜炮

右各等分為細末姜汁調麩煮糊為丸如梧桐子大每服三十丸煎橘皮湯下

附

○木香三稜丸治一切氣悶胃膈痞滿榮衛不和口吐酸水嘔

逆惡心飲食不化脇肋疼痛無問久新並皆治之

青木香

破故芷

茴香

黑丑

甘遂

芫花

大戟

京三棱

蓬義木

川練子

胡荽

巴戟 已上各一兩

巴菝

不去油二分陳倉米三合與巴菝一處同炒黑

砂仁

一兩半

右細切用好米醋二升除砂仁木香外餘藥入醋中浸一宿入鍋內煮醋盡乾爲度同木香砂仁爲細末醋煮麩糊爲丸如棗豈大每服五丸或七丸食後服者麩實大小加減丸數隨湯水任下

○東垣草豈菝丸治酒積或傷寒冷之物胃脘痛咽膈不通

草豈菝

麩 罌 燥

白朮

各一兩

大麥蘖

神麩

各炒

黃芩

半夏

各半兩

枳實

炒二兩

陳皮

青皮

乾生薑

各二錢炒 炒鹽 半兩

右爲極細末湯浸蒸餅爲丸如菴豈大每服一百丸熱水下

愚按此方乃飲酒過度恣食寒涼之物有痰癖積飲在膏膜間作痛者之所宜也

○肥氣丸治肝之積名曰肥氣在左脇下如覆杯有頭足久不愈令人發欬逆連痰瘵連歲不已

厚朴

姜製伍錢

黃連 七錢

柴胡 一兩

川椒 四錢

巴豆霜 五分

乾姜 泡五分

川烏 泡二分

皂角

去皮弦炙一錢半

白茯苓 一錢半

廣木

泡二錢半

人參

泡二錢半

甘草 炙三錢

昆布

酒洗貳錢半

右件除茯苓皂角巴豆霜另研末外諸藥共爲極細末和

垣東

○伏梁丸治心之積名曰伏梁起臍上大如臂上至心下久不愈令人煩心

黃連

一兩

厚朴

姜制

人參

各伍錢

黃芩

三錢

桂枝

一錢

乾姜

泡

菖蒲

巴豆霜

各伍分

紅豈菟

二分

川烏頭

泡五分

茯苓

丹參

炒各一錢

右件除巴豈霜外為細末另研包巴豈霜旋入末和勻煉蜜丸如梧桐子大服如上法淡黃連湯下

石側

○痞氣丸治脾之積名曰痞氣在胃脘覆大如盤久不愈令人

四肢不收發黃疸飲食不為肌膚

厚朴

錢製四

黃連八錢

萊菔三錢

黃芩二錢

白茯苓

人參

澤瀉各一錢

川烏飽五分

川椒五分

茵陳酒炒

乾姜飽

砂仁各壹錢半

白朮二分

巴豆霜四分 挂皮四分

右件除巴豆霜另研茯苓另末旋入外為細末和勻煉蜜

丸如梧桐子大服如上法淡甘草湯下

○息奔先治肺之積名曰息奔在右脇下大如覆杯久不愈令

人酒泔寒熱喘咳發肺壅

厚朴

錢製八

黃連

炒一兩

乾姜飽

白茯苓

川椒炒

紫苑

各一錢

川烏飽

桔梗去芦

白豈菴

陳皮去白

京三稜炮

天門冬

人參二錢

青皮五分

巴豆霜四分

右件除茯苓巴豆霜各另研旋入外爲細末和勻煉蜜丸如梧桐子大服如上法淡姜湯送下已上四方秋冬加厚朴減黃連四分之一

○奔豚丸治腎之積名曰奔豚發於小腹上至心下若豚狀或上或下無時久不愈令人喘逆骨痿少氣及治男子內結七疝女人癥聚帶下

厚朴

姜制七分

黃連五錢

白茯苓

澤瀉

菖蒲各二錢

川烏炮

丁香各五分

苦練

玄胡索

一錢半

全蝎

附子

獨活

肉桂

一分

巴豆霜

五分

右件除巴豆霜茯苓各另研爲末旋入外爲細末和勻煉蜜丸如梧桐子大淡鹽湯下服如上法



論

腎

內經曰飲食飽甚汗出於胃驚而奪精汗出於心持重遠行汗出於胃疾走恐懼汗出於肝搖休勞苦汗出於脾又曰又視傷血久卧傷氣久坐傷肉久立傷骨久行傷筋若夫七情五心之火飛越男女声色之慾過淫是皆虛損之所由也機要曰虛損之疾寒熱因虛而感也感寒則損陽陽虛則陰盛損自上而下一損損于肺皮聚而毛落二損損于心血脈虛少不能榮于藏府婦人則月水不通三損損于胃飲食不為肌膚治宜以辛甘淡過於胃則不可治矣感熱則損陰陰虛則陽盛損自下而上損損于腎骨痿不能起于床二損損于肝筋緩不能自收持三損損于脾飲食不能消尅治宜以

治

苦酸鹹過於脾則不可治矣又曰心肺損而色弊腎肝損而形痿難經曰治損之法損其肺者益其氣損其心者補其榮血損其脾者調其飲食適其寒溫損其肝者緩其中損其腎者益其精是皆虛損病因治法之大要也學者詳之

脈法

脈經曰脈來軟者為虛 緩者為虛 微者為虛

弱者為虛 弦者為中虛 脈來細而微者血氣俱虛

脈小者血氣俱少

要畧曰脈芤者為血虛 脈沉小遲者脫氣

又曰血虛脈大如葱管 又曰脈大而芤者脫血

方法

丹溪曰天為陽而運於地之外地為陰而居乎中天之大氣

舉之日實也屬陽而運於月之外月缺也屬陰黑日之光以  
為明人受天地之氣以生天之陽氣為氣地之陰氣為血故  
陽常有餘而陰常不足氣常有餘而血常不足也又曰經曰  
精不足者補之以味味陰也補精以陰求其本也然味乃如  
穀菽菓菜出於天賦自然冲和之味故有食人補陰之功非  
醯醬烹飪調和偏厚之味出於人為者也經曰陰之所生本  
在五味非天賦之味乎曰陰之五宮傷在五味非人為之味  
乎善攝生者不可謂味以補精而遂恣於口腹以自速其禍  
也又曰形不足者溫之以氣溫養也溫存以養使氣自克氣  
克則形完矣曰補曰溫各有其旨局方悉以溫熱藥佐輔名  
曰溫補豈理也哉又曰人年老或虛損精血俱耗陰不足以  
配陽孤陽幾於飛越天生胃氣尚爾留連又藉水穀之陰故

縻

羈而定耳局方用溫劑却虛蓋脾得溫而食進故亦暫可夫  
質有厚薄病有淺深設或失手何以收效吾寧稍遲計出萬  
全溫劑補虛決不敢用

○丹溪治老人虛損但養小水短少即是病進宜以人參白木  
為君牛膝芍藥為臣陳皮茯苓為佐春加川芎夏加黃芩  
麥門冬秋冬加當歸身倍生薑一日或一貼或二貼小水  
之長若舊乃止此老人養生之捷法也此丹溪養母之方也

○四君子湯治氣虛

人參 一錢半 白朮 茯苓 各二錢 甘草 一錢

右細切作一服水煎如自汗或小水利者去茯苓加黃  
芪二錢無汗小水不利者只依本方

○四物湯治血虛

川歸二錢

川芎

芍藥

錢各半

熟地黄二錢

右細切作一服水煎服春倍川芎夏倍芍藥秋倍地黄冬倍當歸

○八物湯治氣血兩虛

四君子合四物湯共為一劑如上法加減煎服

六君子湯治氣虛挾痰

方見經運門

○局方十全大補治氣血俱虛而挾寒暑

人參

黃芪

甘草

白茯苓

當歸

白朮

白芍藥

肉桂

熟地黄

芍藥

各等

右細切每服一兩重加生姜三片大棗一枚水二大盞

煎至一盞溫服

加減法宜詳前論

○大補陰丸降陰火補腎水

黃栢 益酒拌新瓦上炒褐色  
知母去皮酒拌濕炒各四兩

熟地黃頂月懷慶者佳酒洗培乾用  
龜板酥炙黃各六兩

右細末猪脊骨髓和煉蜜為丸如梧桐子大每服五丸

空心姜鹽湯下

○補陰丸 一名虎潛丸

黃柏半斤如前制  
知母制毛酒  
熟地黃各叁兩

龜板酥炙四兩  
白芍藥煨  
陳皮 牛膝各二兩

虎胫骨一兩  
瑣陽酥炙  
當歸各一兩半

右為細末酒煮羯羊肉為丸鹽湯下冬加乾姜半兩

○加味虎潛丸

人參 黃芪  
芍藥煨  
黃栢益酒炒

當歸酒洗 山藥各一兩  
瑣陽酥炙 枸杞子

新

○滋陰大補丸

虎脛骨

酥炙

龜板

酥炙

兔絲子

鹽酒浸

三宿

細研

焙干

于

破故紙

炒

杜仲

姜汁拌炒

絲斷

五味子

各七錢半

牛膝

去芦酒洗

二兩

熟地黃

四兩

右爲細末

煉蜜和

猪脊骨髓爲丸

如梧桐子

大每服五

六十九

溫酒或姜鹽湯下

川牛膝

去芦

山藥

各一兩半

杜仲

姜汁拌炒

絲斷

。

巴戟

去心

山茱萸

去核

肉從容

酒浸洗

新瓦上焙

干

。

。

。

。

五味子

白茯苓

去皮

茴香

炒

石菖蒲

枸杞子

各五錢

熟地黃

二兩

。

。

遠智

去心

甘草

同

石菖蒲

枸杞子

各五錢

熟地黃

二兩

。

。

。

右爲細末

紅棗肉

和煉蜜爲丸

如梧桐子

大每服七十

九

淡鹽湯或溫酒空心下與上虎潛丸相間服之佳

。

。

。

。

。

丸淡鹽湯或溫酒空心下與上虎潛丸相間服之佳

。

。

。

。

。

。

。

。

。

。

。

九淡鹽湯或溫酒空心下與上虎潛丸相間服之佳

。

。

。

。

。

。

。

。

。

。

。

九淡鹽湯或溫酒空心下與上虎潛丸相間服之佳

。

。

。

。

。

。

。

。

。

。

。

謂補陰和陽生血益精潤肌膚強筋骨性味清而不寒  
溫而不熱非達造化之精微者未足以議於斯也

漢丹 ○補腎丸

黃栢 龜板 各二兩 杜仲 各依前制 牛膝

陳皮 各二兩 乾姜 五錢 冬加 五味子

右為細末姜汁糊或酒糊為丸服溫酒或白湯空心下

漢丹 ○補天丸

紫河車 一具即產後胞衣也古方不分男女世傳男用  
女胎女用男胎者候以初胎者為勝似為有理

若不可得但求肥盛無病婦人者俱可用初取  
得長流水洗淨去筋膜以養蘆盛之外以紙糊  
使不泄氣焙乾要用時以米醋浸一宿焙乾用

右以前補腎丸藥為末同河車再研極細酒糊為丸或  
新取紫河車蒸熟同前藥末搗爛為丸亦可



○虛勞者當以骨蒸藥佐之一云氣虛加補氣藥血虛加補血藥

○一方用側柏葉烏藥葉俱以酒浸九蒸九曝亦同紫河車為丸名補腎丸

方寫  
○六味地黃丸治腎經虛損久新憔悴盜汗發熱五藏齊損瘦弱虛煩骨蒸痿弱下血咯血等証

乾山藥

山茱萸

去核各兩

澤瀉

去毛

牡丹皮

白茯苓

各三兩

熟地黃

八兩

石為細末煉蜜為丸如梧桐子大每服五十丸白湯下

方寫  
○人參固本丸

天門冬

去心

麥門冬

去心

生地黃

各二兩

人參

去芦

熟地黃

二兩

右各焙乾同磨為末勿犯鉄器煉蜜為丸或只以天門冬熟地黄二味量酒浸搗膏同三味末杵千餘下丸如梧桐子大每服五七十九丸空心姜盞湯下忌蘿蔔

○人參膏

人參一味不拘多少去芦細切量水於銀石器內慢火煎如稠錫磁器盛貯每服一二匙白湯點服

○補中益氣湯治飲食失節勞役所傷暴傷元氣惡寒發熱証似傷寒者方見內傷門

○益胃升陽湯血脫益氣古聖人之法也先補胃氣以助生發之氣故曰陽生陰長諸甘藥為之先務舉世皆以為補殊不知甘能生血從陽而引陰也故先理胃氣蓋人之身殺為寶也

柴胡

升麻

各二分

炙甘草

當歸身

酒洗

陳皮

各五分

人參

久煎不

炒神麩

各七分

黃芪

一錢

白朮

一錢半

生黃芩

二分

右細切作一服水二盞煎至一盞溫服○如腹中痛每服加白芍藥五分中桂二分如渴或口燥加葛根三分

氏張

○芪附湯治陽虛氣弱虛汗大出不止肢體倦怠

川附子

炮

黃芪

蜜炙各二錢

右細切作一服加生姜三片大棗二枚水一盞半煎至

一盞溫服

氏張

○參附湯治真陽虛乏上氣喘急自汗盜汗短氣頭暈眼花

人參

半兩

川附子

炮去皮臍一兩

右細切分作三服加姜水煎溫服

○茯神湯治六脉虛羸咳則心痛喉中介介或腫或痛

茯神

人參

遠志

通草

麥門冬

黃芪

桔梗各六分

甘草

五味子各三分

右切作壹服加生姜一片水煎服

○補氣湯治氣虛脉浮而軟怔忡無時

黃芪二分人參

甘草各一錢麥門冬去心

桔梗去芦各七分

右細切作一服加生姜三片水二盞煎至一盞溫服

○千金延壽丹治諸虛百損怯弱欲成癆瘵及大病後虛損不

復凡人於中年後常服可以卻疾延年

五味子

兔絲子

黃蠟另研川牛膝

杜仲姜汁拌

川歸

山藥

天門冬

麥門冬

生地黃

熟地黃略 肉蓯蓉 二兩人參

白茯苓

大茴香

澤瀉

地骨皮

鹿茸

菖蒲九節者 花椒

巴戟去心

遠志

覆盆子

枸杞子

栝子仁冬五錢

右共磨為細末勿犯鉄器蒸搗煉蜜為丸如梧桐子大每服一百丸空心温酒或姜盞湯下○如大便溏小便不利加車前子二兩○如精滑或夢遺加赤石脂山茱萸肉各五錢忌蘿蔔菜

○班龍

丸治真陰虛損及老人虛人常服延年益壽

鹿角膠

炒成珠子

鹿角霜

兔絲子

酒浸研細

栝子仁

取仁洗淨

熟地黃

各半斤

白茯苓

補骨脂

各四兩

右磨為細末酒煮米糊為丸或以鹿角膠入好酒洋化

為丸如梧桐子大每服五十九空心姜盞湯下昔蜀中  
有一老人貨此藥於市自云壽三百八十歲矣每歌曰  
星間不禁滄海竭九轉金丹都謾說惟有龍班頂上珠  
能補玉堂闕下血當時有學其道者傳得此方彼老人  
化為白鶴飛去不知其所終

○桂枝加龍骨牡蛎湯治六脉芤動微緊男子失精女人夢交  
及盜汗自汗等証

桂枝 白芍藥 各三錢 甘草 炙二錢 龍骨

牡蛎 各三錢

右細切加姜棗水煎 愚恐上証不可用姜

○祖傳經驗秘方治心虛手振

川歸身 一兩半 川芎 一兩 汾甘草 半 生地黃 一兩半

遠志

去心二兩半

酸棗仁

栝子仁 各三兩

人參 壹兩

辰砂

五錢另研

金鉞

二十片

射香 一錢

琥珀 三錢

茯神 七錢

膽南星

五錢

半夏 五錢

石菖蒲 六錢

右為極細末蒸餅為丸如棗豈大辰砂為衣每服七八十九丸津唾嚥下或姜湯送下

○本邑在城金儒元國子生也年五十余身畧瘦十年前得內傷挾外感証一盪用發表疎利之劑十數日後熱雖退而虛未復胃中痞滯氣促眩暈召予治以補中益氣湯間與東垣消痞丸陳皮枳木丸等藥調理而安但病根未盡除而住藥故眩暈或時而舉不甚重來兌至此年因往杭城跋涉辛苦又兼色慾之過還家眩暈大作歷數盪皆與防風羌活荆芥南星半夏蒼朮等去風散濕消痰之劑病愈

重一日十數次厥去片時復甦凡動或轉側即厥不知人事舉家惶惶叫哭召予治診其六脉皆浮洪而濡予曉之曰此氣血大虛証幸脉不數而身無大熱不死但恐病愈後而有數年不能下榻行動病者曰只要有命臥亦甘心與大補氣血之藥倍人參黃芪或加附子引經合大劑一日三貼又煎人參膏及作紫河車丸補陰丸之類間服如此調理二月余服煎藥二百餘貼丸藥三五料用人參五六斤其証漸不取飲食如故但未能行動耳次年聞黃布王政汝言往京師道經蘭溪以舟載去彼俟候求診王公曰此証陰虛風痰上壅因誤服參芪多故病久不愈立方以天麻菊花荆芥川芎等清上之藥亦未見效住藥後越五六年方得起而步履如初儒元不思昔日病劇而籍參芪



等藥之功遂以王公之語歸咎於予用藥之誤噫彼時若  
非峻補何以得一儒元見王公耶嗚呼此誠得意忘筌得  
免忘帶也可勝嘆哉

○東陽邑庠鄒掌教先生一証發大汗戰慄振掉片時許發  
燥熱身如火燒又片時許出大汗如雨身體若冰冷而就  
發寒戰如前寒後又熱熱後又汗三病繼作而晝夜不息  
庠生盧明夫與伴擔証治不効召予診其右手陽脉數而  
浮洪無力陰脉畧沉小而亦虛左三部比右差小而亦浮  
軟予曰此陽虛証也用補中益氣湯倍參芪減升柴一半  
加參浸生附子一錢半炒黃柏三分乾姜薄桂各五分大  
棗一枚同煎服一服而病去三分二服而減半四服寒熱  
止而身尚有微汗減去桂附乾姜一半服二貼全愈

論

內經曰陰虛生內熱又曰陰氣者靜則神藏躁則消亡飲食  
自倍腸胃乃傷又曰有所勞倦形氣衰少穀氣不盛上焦不  
行下脫不通而胃氣熱熱氣薰胸中故內熱是故欲養陰而  
延生者心神而恬靜而毋躁擾飲食宜適中而無過傷風寒  
暑濕之謹避行立坐卧之有常何勞怯之有哉今也皆欲無  
節起居不特七情大怒之火時動乎中飲食勞倦之過屢傷  
乎体漸而至于真水枯竭陰火上炎而發蒸蒸之燥熱或寒  
熱進退似瘧非瘧古方名曰蒸病或二十四種或三十六種  
名雖不同証亦少異大抵不過咳嗽發熱咯血吐痰白濁白  
淫遺精盜汗或心神恍惚夢與鬼交婦人則月閉不通日漸

宜

疰癘漸成勞極之候夫病此者始多延宕姑息日又直至發熱不休形体瘦甚其言已脫然後求醫治療雖愈而復生莫能救其萬一良可嘆哉雖然一人未足憐也况其持奉親密之人或同氣連枝之屬薰陶日久受其惡氣多遭傳染名曰傳屍又曰喪屍曰飛屍曰遺屍曰瘞瘞口屍注曰鬼注蓋表其傳注酷虐而神妙莫能以測之名也雖然未有不由氣體虛弱勞傷心腎而得之者初起於一人不謹而後傳注數十百人甚而至於滅族滅門者誠有之矣然此病最為可惡其熱毒鬱積之久則生異物惡人食人截府精華變生諸般奇狀誠可驚駭是以勞傷于肝膽者則為毛虫如刺蝟瓦蛆之屬食人筋膜勞傷于心與小腸者則為羽虫如灯蛾蚊蠅禽鳥之形食人血脉勞傷于脾胃者則為裸虫如嬰孩蚯蚓之

類食人肌肉勞傷于肺與大腸者則為介虫如龜鱉蟹之  
狀食人膚膏勞傷于腎與膀胱者則為鱗虫如魚龍蛟蛭之  
形食人骨髓或挾相火之勢亦如羽虫之類者臨藥之類為  
狀不一不可勝紀凡人竟有此証便宜早治緩則不及事矣  
治之之法一則殺其虫以絕其根本一則補其虛以復其真  
元分經用藥各有條理務如庖丁解牛動中肯綮無有不安  
者也若待病勢已劇元氣已脫雖依古法取虫滋補患者不  
無一生但亦可絕後人之傳注耳學者詳之

脉法

脉經曰男子平人脉大為勞極 虛亦為勞

男子勞之為病其脉浮大手足煩春夏劇秋冬瘥陰寒精自  
出足痿軟不能行少陰虛滿

人年五六十其病脉大者臂俠背行痛苦腸鳴馬刀挾瘦者皆為勞之得

男子平人脉虛弱微細者喜盜汗出也

男子面色薄白主渴及亡血卒喘心悸其脉浮者裏虛也

男子脉虛沉弦無寒熱短氣裏急小便不利面色白時時目暝此人喜衄小腹滿此為勞使之然

男子脉微弱而逆為無子精氣清冷也

夫失精家小腹強急陰頭寒目眦痛一作云髮落脉極虛芤逆為消穀亡血失精

脉得諸朶動微紫男子失精女人夢鬼交通

脉沉小遲者名脫氣其人疾行則喘喝手足逆寒腹滿甚則溇泄食不消化

脉弦而大弦則為臧大則為托臧則為寒托則為虛虛寒相搏此名為革婦人則半產漏下男子則亡血失精

丹溪

丹溪方注九四論

丹溪曰此陰虛之極痰與血病多有虫者其傳屍一証不可云無大法四物湯加童便竹瀝姜汁

○身瘦屬人因火燒爍也肉脫甚者難治

○氣血虛甚發熱成勞者補天丸如骨蒸藥佐之

骨蒸藥知母黃柏地骨皮麥門冬素元青蒿鱉甲石薺竹葉烏梅之類

○傳屍勞寒熱交攻久嗽咯血日益羸瘦先以三拗湯次以蓮心散

○二十四味蓮心散

川歸

黃芪

甘草

鱉甲

醋炙黃前胡

柴胡

獨活

羌活

防風

防己

茯苓

半夏

黃芩

陳皮

阿膠

炒成漆

官桂

芍藥

麻黃

根不去

杏仁

另研

蓮肉

比味高用

南星

川芎

枳殼

面炒

芫花

醋炒

黑色

一揮

右細切作一服加生薑三片大棗一枚水二盞煎至一盞去粗溫服須待吐有異物芫花漸減少蓋芫花反其草所以殺虫炒之所以斷熱去寒妙處在此

○青蒿飲子治勞瘵

青蒿

一斗五升

童便

三斗

右以文武火熬約童便減去二斗去蒿再熬至一升入猪膽汁七箇或加辰砂煑末三五錢再熬數沸甘草末收之每服抄一匙清湯點服極妙

○白鐵塵一味大殺瘵虫可入丸藥散中用

○秘傳取傅屍勞虫鬼哭故子

天靈蓋

蘇炙鱉甲

蘇炙柴胡

去苗甘草

各半木香

一錢二分半

桃仁

二十一枚鼓心

蘇炙青蒿

半阿魏

一錢

安息香

一錢

貫衆

二錢甘草

一錢

主用

右十一味細切拌為麩末先以童子小便二升隔夜浸

露星月至四更特煎至八分去粗分作三服每服調後

散子一貼五更初溫服即穩卧至三點時又進一服至

日出時查腹中欲利如未利又進一服已利勿服

散子方用

枳殼

二錢

半辰砂

一錢

射香

一錢另研

赤脚蜈蚣

以竹筒盛姜汁浸焙乾一條

烏雞糞

二錢

半

先將雞於五升

煎以火麻子

浸之然機



右以五味研為細末和勻分為三貼各入前煎藥內服  
凡合上藥宜於六甲建日或除日合之服前藥必利下  
惡物併虫以盆盛之急用火燒殺之或油煎殺之其病  
人所穿衣服及薦褥尽易燒之食葱粥將息以復元氣  
服藥後或夢人哭泣相別是其驗也如取下虫視其色  
青赤黃者可愈黑色者難療也雖虫老病不可療亦能  
絕後人之傳注耳合此藥時不可容孝子婦人雞犬見  
之及不可令患者知之與聞其氣息虫聞氣變化難取  
也

○治勞瘵取虫經驗天靈蓋散

天靈蓋

三指大用白檀香煎湯洗

檳榔五箇為末

阿魏

二錢細研

射香

三分另細研

辰砂

一錢另研

甘遂連珠者二錢為末安息香三分銅刀切細研

右七味各研極細和勻每服三錢後湯調下

薤白二七莖青蒿二握甘草五寸許葱白二七莖

桃枝柳枝桑枝酸石榴枝各七寸

梅枝七寸已上五枝俱取向東南者

右九味用童子小便四升於銀石器內以文武火煎至一升去粗分作三盞調前藥末服五更初服一盞服後如竟欲吐以白梅肉禽止之五更尽竟藏府鳴須轉下虫及惡物黃水若一服未下如人行五七里又進一服至天明又進一服如瀉不止用龍骨黃連等分為末熟水調下五錢或吃白粥補之此藥男病女煎女病男煎不可令患者知及不許孝子僧人雞犬見之

精

○射香散治男子婦人骨蒸發熱五勞七傷等証

天靈蓋 二錢半  
柴胡 一兩  
犀角屑 半兩  
甘草 三寸

東引桃枝 東引柳枝 東引榴枝 青蒿 各一握

阿魏 一錢另研 薤白 葱白 各七寸 射香 二錢半

右細切杵為麩末用童便二升半浸藥一宿明日早煎至一升半去粗分作三服每服入椎柳細末三錢溫服五更初進一服約人行五七里再進一服若惡心兀兀欲吐嚼白梅止之三服後瀉出惡物異虫或身如蝘行不可名狀後用葱粥止之忌風一月及忌食油膩濕麪醎酸併牛羊雞猪犬肉魚腥年遠重病不過二服全安脩合此藥時男病女煎女病男煎忌猫犬雞鷺鴨駟馬僧尼孕婦孝子見之凡取虫後須以後大補扶神散補之

青

○取屍虫神仙秘方

青桑枝

柳枝

梅枝

桃枝

石榴枝

各七莖俱長七寸皆取東引者青蒿一握

葱白七莖

阿魏

一錢另研

安息香

一錢去石另研

右除阿魏安息香一味外餘藥用童小便一升半煮去

一半去粗將藥汁阿魏安息香細研再煎十數沸分作

二服調

辰砂末

檳榔末

各五分射香少許另研

右三味亦分作二服入前湯五更初進一服三點時又

進一服至巳午晚必取下虫其嘴紅者可治青黑者不

治但可絕後人之傳注耳取虫後進軟粥溫和將息忌

食生冷毒物仍服帶丸子法凡合此藥不可令患者先

知氣味亦不得令猫犬孕婦孝子僧尼等不祥人見之

神授散此方得之於河南郡王府濟世既久功不可述也

川椒二斤擇去閉口者與便器炒出干

右一味為細末每服二錢空心米湯送下或用酒米糊

為丸如梧桐子大每服二三十丸漸加至八九十九空

心酒下或米湯下凡人得傳尸勞病氣血未甚虛損元

氣未及脫絕者不須多方服食但能早用此藥無有不

愈者真濟世之寶也愚嘗治一婦人用花柳二分苦練

○治勞極禁方無比丸一名紫河車丸○傳屍勞瘵二月可愈

紫河車一具初生者佳或無病壯年婦人者亦可一說

男病用女女病用男者若不可得亦不必拘束

草龍胆 甘草各二錢 鱉甲酥炙半兩 桔梗

胡黃連 大黃酒拌 苦參 黃柏一本黃藥子誤

知母去毛具母去心秋石另研不必用煎煉者曰泉紅

中白長流水洗淨犀角屑蓬莪朮硝石各一錢半

辰砂一研敗鼓皮心一本說此三本單謂誠心通可大能逐飛

右共為細末煉蜜為丸如梧桐子大辰砂為衣每服二十九加至三十九溫酒送下腸熟食前脯熟食後服

○秘傳取勞虫禁方

琢木禽雙右用硃砂四兩精猪肉四兩將肉切作片子其硃砂杵如藁豆大塊二味拌勻餵禽一晝夜食肉及為度以鹽泥固濟其禽在內剛火煨一夜來日不見太陽取出不得打破埋入地中二尺許一晝夜取出去鹽泥銀石器內研為細末以無灰酒入射香少許作一服調下置患者在帳中四下緊閉用鉄鉗等候其虫必從

口鼻中出即以鉗鉗入沸油中煎殺之如虫出之從  
進局方嘉禾散一服軟弱將息

○紫河車丹治飛屍鬼注虛勞羸瘦喘嗽痰氣等証其法取首  
生男子胞衣以皂角水洗淨次放銅銚子內以米醋漂洗  
控乾做一小箴籠子盛之圍以紙密糊之不令泄氣以烈  
火焙乾加入後藥

人參一兩

白木一兩

木香

白茯苓

各半兩

茯神

川歸

熟地黄

各一兩

乳香

四錢另

沒藥

四錢另研

硃砂

二錢另研

射香

二分

右為細末和勻酒糊為丸如梧桐子大每服五十九煎  
人參湯送下日三服空腹服之煉蜜為丸服亦可

○治虛勞柴胡散

柴胡

人參

茯苓

桔梗

芍藥

川歸酒浸

青皮去白

麥門冬各二分

甘草一分

右細切作一服杵細水一盞煎七分溫服

精

○治虛勞驚甲散

驚甲

大者一箇

柴胡

去芦

川歸

甘草炙

桔梗

芍藥

人參各一兩

射香

五分

杏仁

去皮炒

胡黃連

各二錢

官桂

半兩去

地骨皮

宣黃連

各二錢半

真酥

三兩

木香

半兩

白沙蜜

三兩

右為細末用青蒿一斤童便五升熬青蒿汁約二升瀝

去粗入酥蜜再熬成膏候冷入藥末攪和為丸如梧桐

子大每服十五丸溫酒送下米飲亦可日進三服如秋

冬時更入桑柳心七箇與前柴胡散同煮間服之



○去三屍九虫貫衆丸

貫衆

五分殺伏尸虫

白藿芦

三分殺尸虫

乾漆

三分殺白

厚朴

三分殺肺虫

狼芽子

四分殺胃虫

僵蚕

四分殺腸

雷丸

六分殺赤虫

雄黄

三分殺尸虫

右件焙乾以冷黄色研為細末煉蜜為丸如梧桐子大新汲水下五丸三服後漸加至十九服之二十日百病皆愈三屍丸虫尽滅更無傳染之患耳

○治勞嗽輕骨散

烏梅

龍胆草

胡黃連

貝母

知母

鱉甲

酥炙

桔梗

秦艽

柴胡

甘草

梔子

人參

青蒿

酒煮

阿膠

成珠子杏仁尖炒

右件各等分晒乾為末用好京墨一

塊以井花水磨調前

藥末作餅子如大指頭大透風處陰乾二七日每用一餅  
井以水花水磨化又用沒藥五分磨成一盞更加黃柏末二  
錢同煎數沸傾入盞內頻頻打轉於五更時輕輕起服服  
後就睡仰卧甚者不過三服

○治勞嗽蛤蚧散

白茯苓

一兩去皮細切入銚  
內慢火炒

桑白皮

二兩以真知母  
酥炙黃色

知母

二兩去毛用酥醋炙令  
黃熟

杏仁

六兩去尖及皮仁者  
炒用麻包敲出其油

甘草

三兩酥醋炙三五次  
紫黃色

貝母

二兩用酥醋炙令黃色

蛤蚧

雌雄一對入酥醋內浸透慢火乾再用酥醋別炙七  
次令黃色不得焦

人參

一兩用酥醋炙三五次令黃色不得焦

乳酥

真者四十兩切作散子大塊入銚內溶或汁入極致  
上好米醋半斤和勻用制煎藥醋不宜太多則不  
堪用

右為末每服二錢水一盞煎至七分和粗服忌油膩生  
冷毒物如久患嗽者初服此藥必聞嗽加甚須勤服又  
則可安須自保養為妙

○治勞熱蛤蚧飲子

蛤蚧一對洗淨酒醋浸炙黃色黃芩半兩麻黃不去根節

胡黃連 秦朮去芦甘草生

生地黄酒浸洗

熟地黄酒洗

青蒿

人參

柴胡去芦

知母去毛酒洗

貝母

杏仁

去皮尖及杏仁者炒另研

鱉甲酥炙

桔梗

草龍胆

木香各二錢半

右為細末每服貳錢加烏梅姜棗煎服

附蒸病

○古今錄驗五蒸湯

人參

知母

黃芩

各一錢

竹葉

七片

生地黃

乾葛

各一錢

半

茯苓

一錢

甘草

炙半錢

石膏

二錢

半

粳米

一合

右細切先以水三盞煎小麥二合至二盞去麥煎藥至一盞溫服隨証加減于後

實熱加黃芩

黃連

黃栢

大黃

虛熱加烏梅

秦艽

柴胡

蛤蚧

青蒿

牡丹皮

鱉甲

○肺蒸鼻乾加

烏梅

天門冬

麥門冬

紫菀茸

茶

大腸

右鼻孔乾痛

加大黃

芒硝

皮蒸

舌白唾血

加石膏

桑白皮

昏昧嗜卧

加牡丹皮

氣蒸

鼻衄喘促遍身氣熱

加入參

黃芩

○心蒸

舌乾加黃連

生地黄

小腸蒸

下唇焦

加赤茯苓

生地黄

木通

血蒸

髮焦

加生地黄

當歸

桂心

童便

脉蒸

唾白浪語脉絡溢脉緩急不調

加當歸

生地黄

○脾蒸

唇焦

加白芍藥

木瓜

苦參

胃蒸

古下

加石膏

粳米

大黃

芒硝

乾葛

肉蒸

食無味而嘔煩燥不安

加白芍藥

○肝蒸

眼黑

加川芎

當歸

前胡

膽蒸

眼色白

加柴胡

括萎

筋蒸

甲焦

加川歸

川芎

三焦蒸

乍熱乍寒

加石膏

竹葉

○腎蒸

兩耳焦

加生地黃

石膏

知母

寒水石

膀胱蒸

右耳焦

加澤瀉

茯苓

滑石

腦蒸

頭眩熱悶

加生地黃

防風

羌活

髓蒸

髓沸骨中熱

加生地黃

當歸

天門冬

骨蒸

齒黑腰痛足逆變虫食藏

加鱉甲

地骨皮

牡丹皮

當歸

生地黃

腎蒸

肢細肢腫府藏俱熱

加石膏

黃柏

胞蒸

小便赤黃

加澤瀉

茯苓

生地黃

活石

沉香

○丹溪活套云勞極之証五藏必歸重於一經假如足脛痠疼

腰背拘急遺精白濁面色黧黑耳輪焦枯脉沉細數知其

邪在腎也宜以四物湯加知母黃柏五味子麥門冬天門冬澤瀉杜仲肉桂之類煎入童便韭汁竹瀝服。其或心神驚惕怔忡無時盜汗自汗心煩熱悶口舌生瘡咯血面赤脉洪而數知其邪在心也宜以前方去杜仲澤瀉肉桂加茯神胡黃連蓮心遠志菖蒲珠砂之類。其或嗽咳喘促衄血嗽血皮膚枯燥鼻塞声沉時吐痰沫脉微虛而瀉數知其邪在肺也宜以四物湯加沙參麥門冬五味子知母貝母桔梗桑白皮地骨皮欵冬花紫遠馬兜鈴百合百部之類煎入童便竹瀝姜韭汁服。其或脇痛目赤面青頰赤多怒虛陽不斂夢與鬼交甚則卵縮筋急脉弦而數知其邪在肝也宜以四物湯加竹茹草龍胆柴胡黃芩青皮竹葉之類。其或面色萎黃唇脣焦燥飲食無味腹痛

腸鳴瀉利四肢倦怠脉虛濡而數知其邪在脾也宜以四君子湯加酒炒白芍藥蓮肉薏苡乾山藥猪苓澤瀉白朮  
豈之類○凡骨蒸勞熱元氣未脫者灸崔氏四花六穴無  
有不安者也

○灸崔氏四花穴法

先二穴令患者平身正立取一細繩場之勿令展繡於男左女右脚底貼肉堅踏之其繩前頭與大拇指端齊後頭循當脚根中心向後引繩從脚臑肚貼肉直上至曲膂中大橫紋截斷橫紋即委中穴又令患者解髮分兩邊令見頭縫自顛門平分至腦後却平身正坐取向所截繩一頭令與鼻端齊引繩向上正經頭縫至腦後貼肉垂下循脊骨引繩向下至繩尺處當脊骨中以墨點記之墨點不又取一繩子令患者合



口將繩子按於口上兩頭至吻却鈞起繩子中心至鼻柱  
根下如△此便齊兩吻截斷將此繩展令直於前量脊骨  
上墨點處橫量取平勿令高下其量口繩子先平指當中  
以墨記之却展開繩子橫  
量却以中指墨點記處按於脊骨中先點處為頭是穴也

兩頭以白圈記之

以上是第一次點二穴

次二穴令患人平身正坐稍縮臂膊取一繩繞項向前雙垂頭

與鴛尾齊

謂前岐骨  
間盡處也

雙頭齊截斷却翻雙繩頭向後以繩

子中心按於喉龍結骨上其繩兩頭雙垂循脊骨以墨點

記之

墨點不  
是灸處

又取一繩子令患人合口橫量齊兩吻截斷

還於脊骨上墨點橫量如法繩子兩頭以白圈記之

白圈是  
灸處


以上是第二次點二穴通前共四穴同特灸各三七

壯累灸至一百餘壯候灸瘡將瘡又依後法灸二穴

又次二穴以第二次量口吻繩子於第二次雙繩頭尺處墨點  
上當脊骨直上下豎點其繩子中心放在墨點上於上下  
繩頭尺處以白圈記之白圈是灸處也

以上是第三次點二穴也通前共六穴也擇取離日  
及火日灸之一應虛勞發熱疔麻等証灸之立愈真  
濟世之妙法也

四花六穴人形圖式



白圈是穴黑點不是穴

新刊醫學正傳卷之三

終